

梅村家藏藁

梅村家藏藁卷第五

詩前集五

七言律詩五十四首

梅村

枳籬茅舍掩蒼苔，乞竹分花手自栽。
不好諂人貪客過，慣遲作答愛書來。
閒窗聽雨攤詩卷，獨樹看雲上嘯臺。
桑落酒香盧橘美，釣船斜繫草堂開。

懷楊機部軍前

同時遷吏獨從征，人道戎旃譴責輕。
諸將自承中尉令，孤臣誰給羽林兵。
憂深平勃軍南北，疏訟甘陳誼死生。
猶有內讒君不顧，亦知無語學公卿。

送黃石齋謫官

舊學能先天下憂，東西國計在登樓。
十年流涕孤臣事，一夜秋風病客舟。
地近詩書防黨禁，山高星漢動邊愁。
匡廬講室雲封處，莫問長江日夜流。

送左子直子忠兄弟還桐城

君家先德重西京，別我臨江涕淚橫。
趙氏有孤仍世族，衛公無諡在諸卿。
時未看碑太學傷，鈞黨置酒新亭望。
息兵莫歎祀宮豺，虎迹浮丘山下草。

初生

聖駕閱城恭遇口占

柳陌天閑獅子花春風吹角畫輪車雲開羽葆三千仗日出樓臺十萬家
天子玉弓穿塞雁黃門金彈落宮鴉北軍不用歸都尉閱武堂前是正衙
登梁王吹臺

登臺雅吹列僊聞客散梁園祇夕曛天子旌旗憐少帝諸王兵甲屬將軍
兩河詞賦凌寒雪千騎歌鐘入暮雲我亦倦游稱病免洛陽西去不逢君

過朱仙鎮謁武穆廟

少保功名絳節遙山川遺恨未能消故京陵樹猶西向南渡江聲自北朝
父子十年摧勁敵士民三鎮痛天驕嗟君此地營軍險祠廟丹青空寂寥

送楊鳧岫

蕭瑟江湖逐客船亂離兄弟夕陽邊蕪城是處逢寒食苦葉如人渡汶川
回首風塵生杞棘傷心增繳在鷹鷂曾經召見多封事一病猶緣明主憐
白門遇北來友人

風塵滿目石城頭樽酒相看話客愁庾信有書談北土杜林無恙問西州

恩深故國頻回首詔到中原盡涕流江左卽今歌舞盛寢園蕭瑟薊門秋

甲申十月南中作

六師長奉翠華歡王氣東南自鬱盤起殿榜遺標太極御舩名亦號長安
孫吳湖名吞鐵鎖三山動旗遠金莖萬馬看開府揚州眞漢相軍書十道取材官

有感

已聞羽檄移青海是處山川因白登征北功惟修塢壁防秋策在打河冰
風沙刁斗三千帳雨雪荆榛十四陵回首神州漫流涕醉杯江水話中興

感楊梅作

石榔山頭好結鄰壽陽妝束紫綸巾子雲二姓慚梅尉虢國同心泣采蘋
露冷玉盤傷碩果風來珠寶墮芳茵杜鵑啼就楊修恨碧血離離向故人

王煙客招往西田同黃二攝六王太子彥及家舅氏朱昭芭李爾

公賓侯兄弟賞菊二首

九秋風物令公香文肅嗜菊此其遺愛三徑滋培處土莊花似賜緋兼賜紫人曾衣

白對衣黃未堪醉酒師彭澤欲借食英問首陽轉眼東籬有何意莊嚴金

色是空王

其二

不扶自直疎還密已折仍開瘦更妍最愛蕭齋臨素壁好因高燭耀華鈿
坐來豔質同杯泛老去孤根僅瓦全薛者以瓦束土苦向鄰家怨移植寄人籬下
受人憐

和王太常西田雜興八首

一卧溪雲相見稀繫船枯柳叩斜扉橋通小市魚蝦賤水遶孤邨烟火微
到處琴書攜自近驟來賓客看人圍畫將松雪花溪卷補入西田老衲衣

其二

積暑空庭鳥雀稀泉聲入竹冷巖扉芒鞋藤杖將迎少嶰舍魚莊生事微
病酒客攜茶斝到罷棋人簇畫圖圍日斜清簟追涼好移榻梧陰見解衣

其三

苦竹黃蘆宿火稀渡頭人歇望歸扉偶添小閣林巒秀漸見歸帆烟靄微
蔬圃草深鳧雁亂水亭橋沒芰荷圍夜涼捲幔深更話已御秋來白袷衣

其四

竹塢花潭過客稀
灌畦纔罷掩松扉
道人石上支頤久
漁父磯頭欵乃微
潮沒秋田孤鷺遠
閣含山雨斷虹圍
亭臯木落黃州夢
江海翩躚一羽衣

其五

亂後歸來桑柘稀
牽船補屋就柴扉
游魚自見江湖濶
野雀何知身體微
聽說詩書田父喜
偶譚城市醉人圍
昨朝換去機頭布
已見新縫短後衣

其六

勝情今日似君稀
鷺立灘頭隱釣扉
屋置茶寮圖陸羽
軒開畫壁祀探微
蕭齋散帙知耽癖
高座談經早解圍
手植松枝當麈尾
雲林居士水田衣

其七

相逢道舊故交稀
偶過鄰翁話掩扉
陶氏先疇思士行
謝家遺緒羨弘微
城中賜第書千卷
祠下豐碑柳十圍
今日亂離牢落甚
秋風禾黍淚沾衣

其八

春曉臺前春思稀
故園蘿薜繞山扉
僮傭十畝桑麻熟
僧住一龕鐘磬微
題就詩篇纔滿壁
種來松栝已成圍
而今却向西田老
換石栽花典敝衣

贈王子彥五十四首

二十登車侈壯游，軟塵京雒紫驂驩。九成宮體銀鈎就，萬卷樓居玉軸收。
家有樓名萬卷，縱解擣蒲非漫戲，卽看哺醲亦風流。筍輿芒屨春山路，故舊相逢
總白頭。

其二

舊業城西二頃田，著書聞已續長編。兩賢門第知應補，十上才名祇自憐。
投老漫裁居士服，畏人還趁孝廉船。只因梅信歸來晚，手植松枝暗記年。

其三

懶將身世近浮名，殘客繇來厭送迎。獨處意非關水石，逢人口不識杯觥。
衣帽蘊藉多風貌，硯几清嚴見性情。子弟皆賢賓從好似君，纔勿媿平生。

其四

雖云文籍與儒林，獨行居然擅古今。五簋留賓高士約，百金投客故人心。
尊彝布列圖書貴，花木蕭疎地館深。晚向鹿門思采藥，漢濱漁父共存沈。
姜如須從越中寄詩次韻

漂泊江湖魯兩生，亂離牢落暮雲平。秦餘祀日刊黃縣，越絕編年紀赤城。
南菊逢人懷故國，西窗聽雨話陪京。不堪兄弟頻回首，落木蕭蕭非世情。

言懷

苦留蹤跡住塵寰學道無人且閉關只爲魯連甯蹈海誰云介子不焚山
枯桐半死心還直斷石經移蘇自斑欲就君平問消息風波幾得釣船還
周子子似讀書愛客白擲劇飲又善音律好方伎爲此詩以調之
大隱先生賦素居比來詩酒復何如馬融絳帳仍吹笛劉向黃金止讀書
窮賴文章供飲博興因賓客賣田廬莫臨廣武頻長歎醉後疎狂病未除
同許九日願伊人洞庭山館聽雨

曉閣登臨意渺然蘆花蕭瑟五湖天雲深古洞藏書卷木落空山奏管弦
魚市有租堪載酒橘官無俸且高眠莫愁一夜西窗雨笠澤烟波好放船

過甫里謁願公因遇雲門具和尚

晴湖百頃寺門橋梵唱魚龍影動搖三要宗風標漢月具公之師同四明論三玄三要

春雪送江湖具公高原落木天邊斷獨夜寒鐘句裏銷布襪青鞋故山去

扁舟蘆荻冷蕭蕭時應佛日請將行

代具師答贈

微言將絕在江南一杖穿雲過石龕早得此賢開講席便圖作佛住精藍

松枝豎義無人會，貝葉翻經好共參。
塵尾執來三十載，相逢誰似使君談。
與友人談遺事

曾侍驪山清道塵，六師講武小平津。
雲旄大纛星辰動，天策中權虎豹陳。
一自羽書飛紫塞，長教征鼓恨黃巾。
孤臣流涕青門外，徒使田橫客笑人。

追悼

秋風蕭索響空幃，酒醒更殘淚滿衣。
辛苦共嘗偏早去，亂離知否得同歸。
君親有媿吾還在，生死無端事總非。
最是傷心看穉女，一窗燈火照鳴機。

見人作布帽

盡道溪翁禮數寬，頽然脫幘任衰殘。
花枝莫上山公帽，竹籜知非劉氏冠。
顧我科頭施屋好，對人狂笑絕纓難。
卽今自有遺風在，遼海還家管幼安。

謁范少伯祠

在金明寺中有碑
朱公里四字石碑

艤棹滄江學釣魚，五湖何必計然書。
山川禹穴思文種，烽火蘇臺弔伍胥。
浪擲紅顏終是恨，拜辭烏喙待何如。
却嗟愛子猶難免，霸越平吳事總虛。

題登封兩烈婦井梧遺恨詩

焦太僕孫婦
楊氏牛氏

少室山頭二女峰，斷猿哀雁暮雲重。
早題薛石留貞史，却寫椒漿事禮宗。

恨血千年埋慘淡寒泉三尺照從容
碧梧夜落秋階冷環珮歸來聽曉鐘
駕湖感舊

予曾過吳來之竹亭湖墅出家樂張飲後來之以事見法重游

感賦此詩

落日晴湖放櫂迴故人曾此共登臺
風流頓盡溪山改富貴何常簫管哀
燕去妓堂荒蔓合雨侵鈴閣野棠開
停撓却望煙深處記得當年載酒來

武林謁同門張石平河南人官糧儲觀察

湖山曉日鳴笳吹楊柳春風駐羽幢
二室才名官萬石兩河財賦導三江
舊時笑我連珠勒多難逢君倒玉缸
十載弟兄無限意夜深聽雨話西窗

登數峰閣禮浙中死事六君子鴻寶倪公茗柯凌公巢軒周公四名施公磊齋吳公賓日陳公

四山風急萬松秋遺廟西冷枕碧流
故國衣冠懷舊友孤忠日月表層樓
赤虹劍血埋燕市白馬銀濤走越州
盛事若修陪祀典漢家園寢在昭丘

見伐木者

鎌斧行人半在腰蒼皮素節委山椒
鬼神無語空祠廢鶴雀還歸故壘搖
深愧百年多雨露須知千尺本雲霄
莫矜小草偏生意烈火平原總寂寥

陳青雷以半圃索題走筆戲贈

半間茅屋半牀書半賦閑游半索居領略溪山應不盡平分風月復何如
點癡互有纒忘世廉讓中間好結廬自是圖全非易事與君隨意狎樵漁

西冷閣詠四首

并序

石城卞君者系出田居隱借蠶室巖子著同聲之賦立文詠嬌
女之篇辭旨幽閑才情明慧寫柔思於却扇選麗句以當窗足
使蘇蕙扶輪左芬失步矣故里秦淮早駕木蘭之楫僑居明聖
重來油壁之車風景依然湖山非故趙明誠金石之錄卷軸亡
存蔡中郎螿日之詞紙筆猶在予覽其篇什擷彼風華體寄七
言詩成四律愧非劉柳聞白雪之歌謬學徐陵叙玉臺之詠已

爾

落日輕風雁影斜蜀箋書字報秦嘉絳紗弟子稱都講碧玉才人本內家
神女新詞填杜若如來半偈繡蓮花妝成小閣薰香坐不向城南鬪鈿車

其二

晴樓初日照芙蓉姑射仙人賦子虛紫府高閑詩博士青山遺逸女尙書

賣珠補屋花應滿刻竹成篇錦不如自寫雜神題小像一簾秋水鏡湖居

其三

五銖衣怯鳳凰雛珠玉爲心冰雪膚綠屨侍兒春被襖紅牙小妹夜檣蒲
瓊窗日暖櫻桃賦粉筆風輕蛺蝶圖頻斂翠蛾人不識自將書札問麻姑

其四

石城楊柳碧城鸞謝女詩篇張女彈鸚鵡歌調銀管細琅玕字刻玉釵寒
雙聲宛轉連珠格八體濃纖倒薤看間整筆牀攤素卷棠梨花發倚闌干
海市四首次張石平觀察韻

仙人太乙祀東萊不信蓬瀛此地開虹跨斷崖通羽蓋魚吞倒影出樓臺
碧城煙合青蔥樹赤岸霞蒸絳雪堆聞道秦皇近南幸舳艫千里射蛟回

其二

灑氣空濛萬象來非煙非霧化人裁僊家困爲休糧閉河伯宮因娶婦開
金馬衣冠蒼水使石鯨風雨濯龍臺鑿空博望頻回首天漢乘槎未易才

其三

東南天地望中收神鬼蒼茫百尺樓秦時長松移絕島梁園修竹隱滄洲

雲如車蓋旌旗繞峰近香爐烟靄浮却笑燕齊迂怪士祇知碣石有丹丘
其四

激浪崩雲壓五湖天風吹斷海城孤千門聽擊馮夷鼓六博看投玉女壺
蒲葦草荒春徙帳滄溟月冷夜探珠誰知曼衍魚龍戲翠蓋金支滿具區
別丁飛濤兄弟


把君詩卷過扁舟置酒離亭感舊游三陸雲間空想像二丁鄴下自風流
湖山意氣歸詞苑兄弟文章入選樓爲道故人相送遠藕花蕭瑟野塘秋
贈馮子淵總戎

令公專閫擁旌旄鵬鶚秋風賜錦袍十二銀箏歌芍藥三千練甲醉葡萄
若耶溪劍凝寒水秦望樓船壓怒濤自是相門雙戟重野王父子行能高
丁亥之秋王烟客招子西田賞菊踰月蒼雪師亦至今年子旣卧
病同游者多以事阻追敘舊約爲之慨然因賦此詩

露白霜高九月天匡牀卧疾憶西田黃雞紫蟹堪携酒紅樹青山好放船
杭稻將登農父喜茶黃遍插故人憐舊游多病難重省記別蒼公又二年
友人齋設餅

舍北溪南樹影斜主人留客醉黃花水澗非用淘槐葉蜜餌盃關煮蕨芽
關老膏環常對酒徵君寒具好烹茶食經二事皆堪註休說公羊賣餅家

梅村家藏藁卷第五終



梅村家藏藁卷第六

詩前集六

七言律詩七十二首

庚寅元旦試筆

己丑除夕夢杏花盛開桃李數株次第欲放予登小閣臨曲池
有人索杏花詩彷彿禁中應制醒來追思陳事去予登第之歲
已二十年矣

二十年前供奉官而今白髮老江干青樽酒盡貪孤夢紅杏花開滿禁闌
西苑樓臺遺事在北門詞賦舊遊難高涼橋畔春如許贏得兒童走馬看
穆大苑先卧病桐廬初歸喜贈

富春山下趁歸風客病孤舟夜雨中千里故園惟舊友十年同學半衰翁
藥爐媿我形容槁腹尺翰君飲噉工却向清秋共消損一樽無恙笑顏紅
贈李莪居御史 時督學江南

中條山色絳帷開宛雜春風桃杏栽地近石經緣虎觀家傳漆卷本蘭臺
花飛驛路生徒滿潮落江城鐘磬來置酒一帆黃浦月登臨早訪陸機才

贈陸孟鳧七十二首

楓葉蘆花霜滿林，江湖蕭瑟鬢毛侵。
書生藤峽功名薄，漁父桃源歲月深。
入市蹇驢晨賣藥，閉門殘酒夜橫琴。
舊游烽火天涯夢，銅鼓山高急暮砧。

陸爲潯州司李，藤峽在潯州常熟有桃源澗。

其二

講授山泉遶戶庭，芋翁無事爲中冷。
偶支鶴俸分魚俸，閒點茶經補水經。
千里程鄉浮大白，一官勾漏養空青。
歸來松菊荒涼甚，買得雙峰縛草亭。

陸爲無錫學博，故云講授。

贈申少司農青門六十二首

相門三戟勝通侯，兄弟衣冠盡貴游。
白下高名推謝朓，黃初耆德重楊彪。
千山極目風塵暗，一老狂歌天地秋。
還憶淮淝開制府，江聲吹角古揚州。

其二

脫却朝衫上釣船，餘生投老白雲邊。
買山向乞分司俸，餉客還存博士錢。
世事烟霞娛晚歲，黨人名字付殘編。
扁舟百斛烏程酒，散髮江湖只醉眠。

宴孫孝若山樓賦贈

千章喬木俯晴川高閣登臨雨後天明月笙歌紅燭院春山書畫綠楊船
邨超好客眞名士蘇晉翻經正少年最是風流揮玉麈煙霞勝處著神仙

琴河感舊四首

并序

楓林霜信放棹琴河忽聞秦淮下生賽賽到白白下適逢紅葉
余因客座偶話舊游主人命犢車以迎來持羽觴而待至停驂
初報傳語更衣已託病店遷延不出知其憔悴自傷亦將委身
於人矣子本恨人傷心往事江頭燕子舊壘都非山上蘼蕪故
人安在久絕鉛華之夢況當搖落之辰相遇則惟看楊柳我亦
何堪爲別已屢見櫻桃君還未嫁聽琵琶而不響隔團扇以猶
憐能無杜秋之感江州之泣也漫賦四章以誌其事

白門楊柳好藏鴉誰道扁舟蕩槳斜金屋雲深吾谷樹玉杯春暖尙湖花
見來學避低團扇近處疑嗔響鈿車卻悔石城吹笛夜青驄容易別盧家

其二

油壁迎來是舊遊尊前不出背花愁綠知薄倖逢應恨恰便多情喚却羞
故向閒人偷玉筯浪傳好語到銀鈎五陵年少催歸去隔斷紅牆十二樓

其三

休將消息恨層城，猶有羅敷未嫁情。
車過捲簾勞悵望，夢來携袖費逢迎。
青山憔悴卿憐我，紅粉飄零我憶卿。
記得橫塘秋夜好，玉釵恩重是前生。

其四

長向東風問畫蘭，玉人微歎倚闌干。
乍拋錦瑟描難就，小疊瓊牋墨未乾。
弱葉懶舒添午倦，嫩芽嬌染怯春寒。
書成粉筆憑誰寄，多恐蕭郎不忍看。

贈糧儲道步公

乾州人

臨湘家世擁旌旄，策馬西來劍佩高。
華嶽風雲開間氣，乾陵草木壯神臯。
山公盡職封章切，蕭相憂時饋運勞。
青史通侯餘事在，江南重見舊人豪。

辛卯元旦試筆

除夕再夢杏花

十年車馬盛長安，仙仗傳籌曙色寒。
禁苑名花開萬樹，上林奇果賜千官。
春風紫燕低飛入，曉日青驄緩轡看。
舊事已非還入夢，畫圖金粉碧闌干。

雜感二十一首

聞道朝廷罷上都，中原民困尚難蘇。
雪深六月天圍塞，雨漲千村地入湖。
瀚海波濤飛戰艦，禁城宮闕起浮圖。
關山到處愁征調，願賜三軍所過租。

其二

簫鼓中流進奉船
司空停索導行錢
八蠶名繭盤花就
千編奇文舞鳳旋
袴褶射雕沙磧塞
筐箱市馬玉門邊
秋風砧杵催刀尺
江左無衣已七年

其三

旌旗日落起征鴻
蘆管淒涼雜部中
鳩鵲廢宮南內月
麒麟枯塚北邙風
金滕兄弟山河固
玉几君臣笑語空
回首踰林秋祭遠
枉拋心力度江東

其四

射柳山頭掣阜雕
便門斜直禁城遙
畏吾文字翻唐史
百濟衣冠奉漢朝
西屬織鞍都護馬
北珠裝帽侍中貂
只今理學追姚許
耆舊中原未寂寥

其五

居庸千尺薊門低
八部雲屯散馬蹏
日表土中通極北
河源天上接安西
金城將吏耕黃犢
玉壘山川祭碧雞
世會適逢須粉飾
十年辛苦厭征鼙

其六

萬山中斷一關分
絕塞東來鶴鵲羣
少婦燕脂人似月
通侯鞍馬客如雲
玉河煙柳樓頭見
鐵嶺風霜笛裏聞
劉杜至今悲轉戰
城南誰賽鄧將軍

其七

天水將軍被錦衣中原當日羽書飛花門報國終留恨石窠酬功事已非
銅馬只今翻仗節玉關何事更重圍可憐西海城頭月立苑征人戍不歸

其八

故京原廟倚諸峰走馬驚聞享殿鐘豈謂盡驅昭應鹿到來還問灞陵松
十家家戶除官道百歲村翁識御容記得奉天門獻捷亦將恩禮待和龍

其九

湘山木落楚江流塢壁風高蘆管愁東府一軍當夏口南人五道出壺頭
鐵犀黑水樓船夜銅鼓丹崖戰馬秋西上祖生仍誓楫路旁還指舊通侯

其十

十載間關歷苦辛汨羅風雨泣孤臣王孫去國餘三戶公子從亡止五人
報主有心爭赤壁借兵無力聽黃巾誰知招屈亭前水卻是當時白馬津

其十一

極目風塵哭杜鵑越王臺畔草芊芊時危文士皆成將事去孤臣且學仙
銅柱漫標空到海珠崖難棄已無天黔公帶礪丹書在兵甲縱橫滿麓川

其十二

栢梁高宴會羣公擊柱橫刀禁殿中
豐沛功名雄薊北燕齊賓客亂關東
五王歸政推恩厚八使分符報命同
垂老幸聞親治詔太平時節願年豐

其十三

中丞杖節換征袍馬槩邊州意氣高
門下爪牙京兆掾帳前心膂杜陵豪
里魁投劬充書佐家將探丸拜賊曹
司隸早囊彈治急悔將文墨誤弓刀

其十四

法從千官對直廬殿中誰是夏無且
議添常侍司宮尉詔設期門護屬車
沙苑草荒秋射兔灤河花發曉觀魚
三邊望幸多封事不見相如諫獵書

其十五

富良江上指雙旌報道中原到陸生
猶有將軍居善闡誰云相國走占城
黃龍誓在應輸貢白象營開任請兵
南服祖宗威德重王師三下遣西平

其十六

急峽天風捲怒濤穿雲棧石度秋毫
雞豚絕壁人煙少珠玉空江鬼哭高
縱火千村驅草木齋糧百日棄弓刀
絳州郤報傳烽緊峒戶溪丁轉戰勞

其十七

禪智庵頭感廢興前知今有佛圖澄雕弓裂地看諸將蠅拂談時聽老僧
定後江聲消白骨靜中劫火指寒燈陰風夜半揚州月相國魂歸哭孝陵

其十八

武安席上見雙鬢血淚青娥陷賊還只爲君親來故國不因女子下雄關
取兵遼海哥舒翰得婦江南謝阿蠻快馬健兒無限恨天教紅粉定燕山

其十九

蓬萊閣上海雲黃用火神機壁壘荒本爲流人營碣石豈知援卒起蕭牆
戈船舊恨東征將牙纛新封右地王辛苦中丞西市骨空將熱血灑扶桑

其二十

雁門西去塞雲愁苜蓿千羣散紫駟築館柔然非戚里置亭張掖豈鴻溝
先機拒戶須防虎故智蹊田恐奪牛都護莫誇勤遠略龍堆吹雪滿并州

其二十一

爲稼軒

萬里從王擁節旄通侯青史姓名高禁垣遺直看封事絕徼孤忠誓佩刀
元祐黨碑藏北寺辟疆山墅記東臯歸來畊石堂前夢書畫平生結聚勞

鄧元昭奉使江右相遇吳門卻贈

五湖春草隱征筇，畫舫圖書泊晚沙。
人謂相如初奉使，客傳高密且還家。
黑貂對雪潯陽樹，綠酒看山茂苑花。
問去石渠應賜馬，玉河從獵雁飛斜。

題鴛湖閨詠四首

石州螺黛點新妝，小拂烏絲字幾行。
粉本留香泥蛺蝶，錦囊添線繡鴛鴦。
秋風薄素描長卷，春日鳴箏製短章。
江夏只今標藝苑，無雙才子埽眉娘。

其二

休言金屋貯神仙，獨掩羅裳淚泫然。
栗里縱無歸隱計，鹿門猶有買文錢。
女兒浦口堪同住，新婦磯頭擬種田。
夫婿長楊須執戟，不知世有杜樊川。

其三

絳雲樓閣敞空虛，女伴相依共索居。
學士每傳青鳥使，蕭娘同步紫鸞車。
新詞折柳遙應就，舊事焚魚總不如。
記向馬融譚漢史，江南綸落老尙書。

其四

誰吟秋扇織詞壇，白下相逢吳綵鸞。
才比左芬年更少，婿求韓重遇應難。
玉顏屢見鶯花度，翠袖須愁煙雨寒。
往事只看子薄命，致書知已到長干。

補襖

壬辰上巳蔣亭彥篆鴻陸我謀於鶴湖襖飲余後三日始至同
集有道開師朱子容沈孟陽徵詩以補襖事余分得知字

春風好景定昆池散誕天涯卻誤期
潦洎漫褰芳杜晚雜濱須泛羽觴遲
右軍此會仍堪記白傅重游共阿誰
故事襖堂看賜柳年來無復侍臣知

過朱員臣墓

在嘉興東塔雷音閣後卽廣福講院

翁子窮經自不貧會稽連守拜爲真是非難免三長史富貴徒誇一婦人
小吏張湯看踞傲故交莊助歎沉淪行年五十功名晚何似空山長負薪

題朱子葵鶴洲草堂

別業堂成綠野邊養雛丹頂已千年
仙人收箭雲歸浦道士開籠月滿天
竹下縞衣三徑石雪中清嘖五湖田
裴翁舊宅松陰在不數孤山夜放船

題孫銘常畫蘭

誰將尺幅寫瀟湘窮谷無人吹氣香
斜筆點芽依薜石雙鈞分葉傷
篔簹謝家樹好臨芳砌鄭女花堪照洞房
我欲援琴歌九畹江潭搖落起微霜

送林衡者歸閩

五月關山樹影圓送君吹笛柳陰船征途鷓鴣愁中雨故園枕椰夢裏天
夾深草荒書滿屋連江人去雁飛田無諸臺上休南望海色秋風又一年

送文學博以蒼公招同住中峰寺

二公皆雲南人

西風驅雁暮雲哀頭白衝寒到講臺莫問鄉關應路斷偶傳消息又東來
一峰對月茅菴在二老論心石壁開揀取梅花枝上信明朝移向故園栽
雪夜苑先齋中飲博達旦二首

扶杖衝泥逐少年解衣箕踞酒壚邊愁燒絳蠟消千卷愛把青樽擲萬錢
痛飲不甘辭久病狂呼卻笑勝高眠丈夫失意須潦倒劇孟平生絕可憐
其二

相逢縱博且開顏興極歡呼不肯還別緒幾年當此夜狂名明日滿人間
松窗燭影花前酒草閣雞聲雪裏山殘臘豈妨吾作樂儘教遊戲一生閑
癸巳春日禊飲社集虎丘卽事四首

楊柳絲絲逗禁煙筆牀書卷五湖船青溪勝集仍遺老白蛤高談盡少年
筍屐鶯花看士女羽觴冠蓋會神仙茂先往事風流在重過蘭亭意惘然

其二

蘭臺家世本貽謀
高會南皮話昔游
執友淪亡驚歲月
諸郎才調擅風流
十年故國傷青史
四海新知笑白頭
修禊只今添俯仰
北風杯酒醉營丘

其三

訪友扁舟挂席輕
梨花吹雨五茸城
文章興廢關時代
兄弟飄零爲甲兵
茂苑聽鶯春社飲
華亭聞鶴故園情
衆中誰識陳鶯座
願陸相看是老成

其四

絳帷當日重長楊
都講還開舊草堂
少弟詩篇標赤幟
故人才筆繼青箱
抽毫共集梁園製
布席爭飛曲水觴
近得廬陵書信否
寄懷子美在滄浪

投贈督府馬公二首

伏波家世本專征
畫角油幢細柳營
上相始興開北府
通侯高密鎮西京
江山傳箭旌旗色
賓客圍棋劍履聲
勞苦潯陽新駐節
舳艫今喜下滄城

其二

十年重到石城頭
細雨孤帆載客愁
累檝久應趨幕府
扁舟今始識君侯
青山舊業安常稅
白髮衰親畏遠遊
慚愧推賢蕭相國
邵平只合守瓜丘

自歎

誤盡平生是一官棄家容易變名難松筠敢厭風霜苦魚鳥猶思天地寬
鼓枻有心逃甫里推車何事出長干旁人休笑陶弘景神武當年早挂冠

登上方橋有感

橋時新修極雄壯望見天壇崩地盡矣

石梁天際偃長壕勢壓魚龍敢遁逃壯麗氣開浮廣術虛無根削插崩濤
秋騰萬馬鞭梢整日出千軍輓餉勞回首秦壇鐘磬遠江流空繞斷垣高

鍾山

王氣銷沉石子岡放鷹調馬蔣陵傍金棺移塔思原廟

金棺爲誌在鷄鳴寺

公玉匣

蕨衣記奉常

太常有高廟衣冠

楊柳重栽馳道改櫻桃莫薦寢園荒四月聖公沒

後無坏土姑孰江聲空夕陽

臺城

形勝當年百戰收子孫容易失神州金川事去家還在玉樹歌殘恨怎休
徐鄧功勳誰甲第方黃骸骨總荒丘可憐一片秦淮月曾照降幡出石頭

國學

松柏會垂講院陰後湖煙雨記登臨桓榮空有窮經志伏挺徒增感遇心
四庫圖書勞訪問六堂絃管聽銷沉白頭博士重來到極目蕭條淚滿襟

觀象臺

候日觀雲倚碧空一朝零落黍離同昔聞石鼓移天上元移石鼓于大鄠今見銅

壺沒地中黃道只看標北極赤烏還復紀東風郭公枉自師周髀千尺荒

臺等廢宮

鷄鳴寺

鷄鳴寺接講臺基扶杖重游涕淚垂學舍有人鋤野菜僧寮無主長棠梨

雷何舊席今安在支許同參更阿誰惟有誌公留布帽高皇遺筆讀殘碑

寺壁有石刻高廟御筆題贊誌公像

功臣廟

畫壁精靈間氣豪鄂公羽箭衛公刀丹青賜額豐碑壯榮戟傳家甲第高

鹿走三山爭楚漢鷄鳴十廟失蕭曹英雄轉戰當年事采石悲風起怒濤

玄武湖

覆舟西望接陂陀千頃澄潭長綠莎六代樓船供士女百年版籍重山河

湖置黃冊庫平川豈習昆明戰禁地須通太液波煙水不關興廢感夕陽

禁人遊玩聞已唱漁歌時已有漁舟非復昔日之禁矣

無題四首

繁艇垂楊暝綠溥玉人湘管畫簾深
千絲碧藕玲瓏腕一卷芭蕉宛轉心
題罷紅窗歌緩緩聽來青鳥信
沉沉天邊恰有黃姑恨吹入蕭郎此夜吟

其二

到處鶯花畫舫輕相逢只作看山行
鏡因硯近螺頻換書爲香多蠹不成
愧我白頭無治習讓君紅粉有詩名
飛瓊漫道人間識一夜天風返碧城

其三

錯認微之共牧之誤他舉舉與師師
疏狂詩酒隨同伴細膩風光異舊時
畫裏綠楊堪贈別曲中紅豆是相思
年華老大心情減辜負蕭娘數首詩

其四

鈿雀金蟬籠啓紗開妝初不關鉛華
藏鈎酒向劉郎賭刻燭詩從謝女誇
天上異香須有種春來飛絮恨無家
東風燕子知多少珍重雕闌白玉花

過朱君宣百草堂觀劇

肯將遊俠誤躬畀愛客邨居不入城
亭占綠疇朝置酒船移紅燭夜鳴箏
金齏研餡霜螯美玉粒呼鷹雪爪輕
主人好戲卻話少年逢社飲季心然諾是

平生

周楙園有墨癖嘗蓄墨萬種歲除以酒澆之作祭墨詩友人王紫

崖話其事湯賦二律

含香詞賦擲金聲家住立都對管城萬笏雅應推正直一囊聊復貯縱橫
藏雖黯淡終能守用任欷歔不自平磨耗年光心力短只因耽誤褚先生

其二

山齋清玩富琳琅似璧如圭萬墨莊口啜飲同高士癖頭濡書類酒人狂
但逢知己隨濃澹若論交情耐久長不用黃金費裝裹伴他銅雀近周郎

贈陽羨陳定生

溪山罨畫好歸畊櫻笋琴書足性情茶有一經眞處士橋無千絹舊清卿

故御史大夫子知交東冶傳鈞黨子弟南皮負盛名卻話宋中登望遠天涯風雨


得侯生

定生借侯朝宗在南中幾及鈞黨禍侯生歸德人

送李秀州擢甯紹道

楊柳春風起郡樓故人嚴助昔同游煙霞到處推仙吏棨戟今看冠列侯
長水圖書移遠棹大雷笳鼓對情秋閱兵海上應西望秦駐山高卽秀州

梅村家藏藁卷第六終



梅村家藏彙卷第七

詩前集七

五言排律五首 聯句附

晚眺

萬壑亂煙霜浮圓別渺茫江山連楚蜀鐘磬怨齊梁原廟寒泉裏園陵秋
草傍雁低連雨色鷺遠入湖光戲馬長千里歸人石子岡舟車走聲利衣
食負咩桑欲問淮南信砧聲繞夕陽

海蠅

不肯依墻壁其如羅網偏文身疑蚪篆長善學螺旋跼足蟠根固谷頭掩
的圓但能防尾擊誰敢陷中堅氣及先聲取髀存裏肉捐空虛窻棄擲辛
苦是連蜷處世道多口浮生悞一鮮白鹽看雨後紅釀向花邊入穴鉤難
致呼門慘不前迴腸策鎖甲骸脚怨刀錢海粟蠅廬滿盡書屋市懸知君
爾雅熟爲譯小言篇

麥蠶

月令初嘗麥幽風小索絢繭絲供歲早芒刺用心勞舊穀憂蛾賦先農攝

馬曹三眠收滯穗五色薦溪毛簇箔同丘坻綠車借桔槔筐分南陌採縷
細北宮縷奉種鷓鳴降輪魁蟹績高仙翁蜂化飯醉土蟻舖精桑蠅僵應
化水蛆卧未逃婦驚將絡緯客咽半蟻螭織手揉乾精春綿滑冷淘非關
蟲食稼恰並烏含桃

思陵長公主職詩

貴主徽音美前朝典命光鴻名垂遠近哀誄著與亡託體皇枝貴承休聖
善祥母儀惟謹肅家法在矜莊上苑穠桃李瑤池小鳳凰音青繡履魚
笏皂羅囊沉燎熏爐細流蘇寶蓋香襖期陪水蘭館助條桑綠猊瓦蘭
佩紅螭薤葉璋錫封霽大國喚仗及迴廊受冊威儀定傳烽羽檄忙司輿
停鹵簿掌瑞徹巧璜婺宿明河澹薇垣太白芒至尊憂咄吒仁壽涕彷徨
鄜邑年方幼瓊華齒正芳艱難愁付託顛沛懼參商文葆憐還戲勝衣泣
未遑從咨咨傅母恫急詢紹瑞傳箭聞嚴鼓投籤見拊牀內人縫使甲中
旨票支糧使者填平朔將軍帶護羌盜無一矢救足慰兩宮望盜賊狐篝
火關山蟻潰防逍遙師逗撓奔突寇披猖牙齧看吹折梯衝舞莫當妖氛
纏象闕殺氣滿陳倉天道眞叢昧君心願慨慷割慈全國體處變重宗潢

胄子除華紱家丞具急裝敕須離禁闔手爲換衣裳社稷仇宜報君親話
勿忘遇人尚退讓慎已舊行藏國母摩笄刺宮娥掩袂傷他年標信史同
日見高皇元主甘從殉君王入未央抽刀凌左闔申脰就干將噤血彤闈
地橫尸紫纈汪絕吮甦又咽瞑睫倦微揚裏禱移私第霑胸進勺漿誓肌
封斷骨茹戚吮殘創死早隨諸妹生猶望二王股肱羞魏相肺腑恨周昌
賊遁仍函谷兵來豈建康六軍務面勸四海邊音喪故國新原廟羣臣舊
奉常贈圭陳厥禋題湊載輶輶隧逼賢妃冢山疑望子岡銜哀存父老主
祭失元良訣絕均坏土飄零各異方衣冠羸博葬風雨鶴鶴行浩劫歸空
壤浮生寄渺茫玉眞圖下髮申伯勸承筐沅浦餘堯女營丘止孟姜君臣
今世代甥舅卽蒸嘗湯沐鄉亭秩家門殿省郎淒涼脂粉磴零落綺羅箱
宅枕平津巷街通少府墻晝閒僧妯娌曉坐向姑嫜偶語追銅雀無聊問
柏梁豫游推插柳勝蹟是梳妝菡萏鴛鴦扇茱萸鸚鵡觴大庖南膳厥奇
卉北花房暖閣葫蘆錦溫泉荳蔻湯雕蕪獅首炭甜食虎睛糖壯麗成焦
土榛蕪拱白楊康游鳩鵲觀苔沒鬪雞坊苟灌心惆悵秦休志激昂崩城
身竟殞填海願難償命也知奚憾天平數不減累獻床簣語卽空腹爾尙

半體先從父遺骸始見娘黃泉母子痛白骨弟兄殤夙昔銅駝泣諸陵石
馬荒三年修苻藻一飯奠嵩邨寒食重來路新阡宿草長溪田延黍稼隴
笛卧牛羊朽壤穿螻蟻驚沙起鴟鵂病榻眠廢社衰葦折寒塘列刹皇姑
寺歇經內道場侍鬢稱練行小像刻沉香玉座懸朱帳金支渡法航少兒
添畫燭保媪伴帷堂露濕丹楓冷星稀青鳥翔幡旌晨隱隱鈴鐺夜將將
控鶴攀龍馭駢麟謁帝閭靈妃歌縹緲神女笑徜徉苦霧迷槐市雌霓遶
建章歸鄒思五廟涉漢淚三湘柔福何慚宋平陽可佐唐虞淵瞻返日蒼
里叫飛霜自古遭兵擾偏嗟擁樹妨魯元馳孔丞芊季負倉黃漂泊悲臨
海包含耻溧陽本朝端闕設制勝巖疆處順惇恭儉時危植紀綱英聲
超北地雅操邁東鄉新野墳松直招祇祠柏蒼蕤歌雖慘澹汗簡自輝煌
諡號千秋定銘旌百禩彰秦簫吹斷續楚挽哭滄浪

附松江張宸長平公主誄曰長平公主者明崇禎皇帝女周皇后產也
議將降主時有太僕公子都尉周君名世顯者將築平陽以館之開沁
水以宅之貳室天家行有日矣夫何蛾賊鳴張逆臣不誠天子志殉宗
社國母嬙嬪慷慨死焉公主時在穉齡御劍親揮傷頰斷腕然玉折
賈矣蘭摧賊以貴主既殞授屍國威覆以錦茵載歸椒里越五宵旦宛
轉復生泉途已官龍髯脫而劍遠蘭熏罷殿蕙性折而神枯順治二年
上書

今皇帝九死臣妾踟躕高天斃縹空王庶申罔極
上許詔求元配命吾周君故劍是合土田邸第金鐘牛車錫子有加稱
不許詔求元配命吾周君故劍是合土田邸第金鐘牛車錫子有加稱
人非鶴市概紫王之重生鏡異鸞辜看樂昌之再合金枝秀發玉質含
章逢德曜於皇家迺桓君于帝女然而心總宮帷悲溢焉堯逝當扶桑
何心金街之門飛霜姦林豈意玉簫初周芳華未歇嗚呼悲哉都尉君倬
上仙之日距穠李下嫁之殯銀臺竊藥想奔月以何年小臣宸薄游京
去鳳無術越明年三月之吉葬于彭澤門之賜禮也小臣宸薄游京
魂而無術越明年三月之吉葬于彭澤門之賜禮也小臣宸薄游京
董式觀遺容悼亡於潘合遺掛猶存敢再拜為之諫云又孫承澤香
明夢餘錄曰公主名徽妃

梅花菴話雨同林若撫聯句

放策名園勝停驂客思淹 雲鳳 初涼欣颯爽入夜苦霰蠶 偉業 有待聞乾

鵲無因見蛟蟾 鳳 蒲荒迷鷺影花落冷魚唼鳥語枝頭咽蟲鳴葉底潛清

齋幽事足良會逸情兼 業 貧士藏書富高人取友嚴膏膺長自卧剝啄遣

童覘北郭余借隱東山爾共瞻 鳳 生來門是德住處水名廉 業 觸地詞源

湧推鋒筆陣銛萬言成寸晷一字直三緘雜佩紉蘭茝名材貢杞柗三千

登甲第四十到宮詹 鳳 仙樂清商奏天厨法酒霑使車游苑徂樓艦出沲

溝職亞成均掌官同秘院僉含毫芸閣草插架石渠鏡 業 翰染丹青障暮

分黑白奩望崇敦雅素氣直折王愴 鳳 道已銘鐘鼎交仍隔金鸞雲霄三

省相虎豹九關闈

業

害物磨牙慘持拳炙手炎游夫空掉闔武士浪韜鈴

鳳海寓洪爐炤民生鼎沸每天心何叵測宸極竟危阼

業

夏社松陰改周

原麥秀漸詩書遺黨劍冠蓋受髡削

鳳

暴骨巖城陷燒屯甲士殲子民餘

爨焚尺土剩滇黔

業

越俗更衰瓊秦風失帽憎短衣還戍削長帶孰蜚穢

絕跡違朝市全身混里閭

鳳

擊舟浮磻曲扶杖度山崦菌閣迎寒葺茅亭

帶雨苦

業

冥鴻思避弋老馬脫銜箝朋舊從頭數篇章信口占

鳳

境奇窮

想入才退苦言砭大曆塲誰擅元和體獨藏聆音噉下里觀貌歎無鹽好

句奚囊貯清談塵尾拈飛觴邀阮籍豈義問劉惔

業

情洽獨苛禮形忘略

小嫌詎諸文乞巧惟悴賦驅疴書擬中郎秘香憑小史添辜蘭將滿握采

菊不盈襦

鳳

紙帳蛛絲罥紗屏蝶粉黏試茶追陸羽退筆弔蒙恬玩物高

居澹安心老境甜食羹調芍藥釀法製蒂菘黃擘團臍蟹霜批巨口點香

流金杏酢脆入玉梅脆送酒橫波艷調箏素手搵新聲歌緩緩沉飲醉厭

厭

業

梅老看圍屋花開待放簷道人君勿愧處士我何謙

鳳

綠印苔間屐

青飄柳外帘池流綠岸折峰勢出墻尖

業

與劇神偏王狂來語類譎徘徊

吟數過撚斷幾枯髯

鳳

五言絕句二十七首

子夜詞三首

人采蓮子青妾采梧子黃置身宛轉中纖小歡所嘗

其二

憶歡教儂書少小推無力別郎欲郎憐修牋自雕飾

其三

夜涼入空房侍婢待除裝枕前鈎不下知未解衣裳

子夜歌十三首

歡是南山雲半作北山雨不比薰爐香纏綿入懷裏

其二

夜夜枕手眠笑脫黃金釧傾身畏君輕背轉流光面

其三

故使歡見儂儂道不相識會記馬上郎挾彈門前立

其四

微笑佯牽伴低頭誤弄絃衆中誰賣眼又說是相憐

其五

雙纏五色纒與歡相連愛尙有宛轉絲織成合歡帶

其六

淺碧魚文纒輕紅杏子花比來妝束素加上木蘭紗

其七

儂如機上花春風吹不得剪刀太無賴斷我機中織

其八

紅羅複斗帳四角垂明珠明珠勝明月月落君躊躇

其九

指冷玉簫寒袖長羅袂濕此夜坐匡床春風無氣力

其十

夜色吹衣袂新聲出絳紗相逢更相認銀燭上鉛華

其十一

舞罷私自憐腰肢日媁媁總角諸少年虧他只言好

其十二

玉枕湘文簟金爐鳳腦煙君來只病酒辜負解香鈿

其十三

出門風露寒歡言此路去妾夢亦隨君與歡添半臂

子夜歌六首

代友人
答閨妓

白玉絳羅圍枝頭荔子垂待儂親用手緩緩褪紅衣

其二

郎來索糖霜莫持與郎喫郎要口頭甜不如自嘗蜜

其三

榕樹參天長郎栖在何處隨郎不見榕累儂望鄉樹

其四

綠葉吐紅苗紗窻月影高待郎郎不至落得美人蕉

其五

佛手慈悲樹相牽話生死爲郎數還期就中屈雙指

其六

橄欖兩頭纖終難一箇圓縱教皮肉盡腸肚自然堅

采石磯

石壁千尋險江流一矢爭曾聞飛將上落日弔開平

新翻子夜歌四首

歡今穿儂衣窄身添扣扣欲搔麻姑爪教歡作廣袖

其二

含香吐聖火碧縷生微煙知郎心腸熱口是金博山

其三

歡有領下貂與儂覆廣額脫儂頭上珠爲歡嵌寶石

其四

龍團語羊酪相逢土風異爲歡手煎茶調和見歡意

梅村家藏彙卷第七終

百華真寶卷七

梅村家藏彙卷第八

詩前集八

七言絕句六十一首

過魚山曹植墓二首

小穀城西子建祠
魚山刻石省躬詩
君家兄弟空搖落
惆悵秋墳采豆枝

其二

鄴臺坐法公車令
當郡憂讒謁者書
天使武皇全愛子
黃初先已屬蒼舒

項王廟

戲馬臺前拜魯公
興王何必定關中
故人子弟多豪傑
弗及封侯呂馬童

虞美人

咸陽宮闕早成塵
莫聽歌聲涕淚頻
若遇戚姬悲薄命
幸無如意勝夫人

釣臺

少有高名隱富春
南陽游學爲亡新
高皇舊識屠沽輩
何似原陵有故人

贈妓郎圓

輕靴窄袖柘枝裝
舞罷斜身倚玉牀
認得是儂偏問姓
笑儂花底喚諸郎

偶成一首

好把蛾眉鬪遠山，綉蟬金鳳綠雲鬟。畫堤無限垂垂柳，輸與樓頭謝阿蠻。

其二

海棠花發雨三枝，燕子呢喃春雨時。恰似闌干嬌欲醉，當年人說杜紅兒。

感舊

赤欄橋護上陽花，翠羽雕籠語絳紗。羨殺江州白司馬，月明亭畔聽琵琶。

汴梁二首

馮夷擊鼓走夷門，銅馬西來風雨昏。此地信陵曾養士，只今誰解救王孫。

其二

城上黃河屈注來，千金堤帶一時開。梁園遺跡銷沉盡，誰與君王避吹臺。

題歸玄恭僧服小像四首

豈是前身釋道安，遇人不著鹿皮冠。接羅漉酒科頭坐，只作先生醉裏看。

好酒

其二

金粟山人道者裝，玉山秋盡草堂荒。劫灰重作江南夢，一曲開元淚萬行。

能詩 顧阿瑛號金粟道人著天寶遺事談庚申君事

其三

共道淇園長異材風欺雪壓情誰裁道人掃向維摩壁千尺蒼龍護講臺
畫竹

其四

中山絕技妙空羣智永傳家在右軍爲寫頭陀新寺額筆鋒蒸出墨池雲
工書

戲贈十首

窄袖輕衫便洞房何綏新作婦人裝繡囊菜結同心扣十里風來袴褶香

其二

梅根治後一庭幽桃葉歌中兩槩留管是夜深嬌不起隔簾小婢喚梳頭

其三

香銷寶鴨月如霜欲罷擗蒲故拙行倦倚局邊伴數子暗擡星眼擲兒郎

其四

仙家五老話駢鸞素女圖經掌上看如共王喬舊相識鍊方從乞息肌丸

其五

玉釵仍整未銷黃笑看見郎語太狂翻道玉人心事懶厭將雲雨待襄王

其六

戒珠琥珀間沉檀弟子班中玉葉冠君是惠休身法喜他年衆學贊公壇

其七

蔬譜曾刪鮑議書一鸞鮮菜定何如玉織下筋無常味珍重虞公數十車

其八

懶梳雲髻罷蘭膏一幅羅巾紫玉絳不向弓彎問消息誤人詩句鄭櫻桃

其九

內家紈扇縷金函萬壽花開青鳥銜贈比乘鸞秦氏女銀泥裙子鳳皇衫

其十

橫塘西去窈娘還畫出吳山作楚山笑語阿戎休悵望莫愁艇子在溪灣

亂後過湖上山水盡矣賦一絕

柳榭桃蹊事已空斷槎零落敗垣風莫嗟客鬢重游改恰有青山似鏡中

聽朱樂隆歌六首

少小江湖載酒船月明吹笛不知眠只今憔悴秋風裏白髮花前又十年

其二

一春絲管唱吳趨得似何哉此曲無自是風流推老輩不須教染白髭鬚

其三

開元法部按霓裳會和巫山窈窕娘見說念奴今老大白頭供奉話岐王

其四

誰畫張家靜婉腰輕綃一幅美人蕉會看記曲紅紅笑喚下丹青弄碧簫

其五

長白山頭蘆管聲秋風吹滿雒陽城茂陵底事無消息迤邐檀槽撥不成

其六

楚雨荆雲雁影還竹枝彈徹淚痕斑坐中誰是沾裳者詞客哀時庾子山

觀棋六首

和錢牧齋先生

深院無人看劇棋三郎勝負玉環知康鴉亂局君王笑一道哥舒布算遲

其二

小閣疏簾枕簟秋晝長無事爲忘憂西園近進修宮價博進知難賭廣州

其三

閒向松窗覆舊圖當年國手未全無南風不競君知否抉眼胥門看入吳

其四

碧殿春深賭翠鈿壽王遊戲玉牀前可憐一子難饒借殺却拋殘到那邊

其五

玄黃得失有誰憑上品還推國手能公道世人高下在圍棋中正柳吳興

其六

莫將絕藝向人誇新勢斜飛一角差局罷兒童閒數子不知勝負落誰家

贈寇白門六首

白門故保國朱公所畜姬也保國北行白門被放仍返南中秦淮相遇殊有淪落之感口占贈之

其二

南內無人吹洞簫莫愁湖畔馬蹄驕殿前伐盡靈和柳誰與簫娘鬪舞腰

朱公轉徙致千金一舸西施計自深今日祇因句踐死難將紅粉結同心

其二

同時姊妹入奚官，桐酒黃羊去住難。
細馬馱來紗罩眼，鱸魚時節到長干。
其四

重點盧家薄薄妝，夜深羞過大功坊。
中山內宴香車入，寶髻雲鬟列幾行。
其五

曾見通侯退直遲，縣官今日選蛾眉。
窈娘何處雷塘火，漂泊楊家有雪兒。
其六

舊宮門外落花飛，俠少同游並馬歸。
此地故人騶唱入，沉香火暖護朝衣。
題莊橙菴像四首

錦里先生住錦涇，百花潭水浣花亭。
子雲寂寞餘奇字，抱膝空山著一經。
其二

相如書信達郵筒，入蜀還家意氣雄。
却憶故人天際遠，罷官嚴助在吳中。
其三

把卷無人意惘然，故鄉雲樹夢魂邊。
遙知石鏡山頭影，不及當時是少年。
其四

舊朝人地擅簪纓，詞賦風流妙兩京。
盡道阿兄多貴重，杜家中弟最知名。

楚雲八首

楚雲字慶娘余以壬辰上巳爲朱子葵子葆子容兄弟招飲鶴洲同集則道開師沈孟陽張南垣父子妓有畹生者與慶娘同小字而楚雲最明慧可喜口占贈之

十二峰頭降玉眞楚宮敝襖采蘭辰陳思枉自矜能賦不詠湘娥詠雒神

其二

白蘋江上送橫波擬唱湘山楚水歌却爲襄王催按曲故低紈扇簇雙蛾

其三

越羅衫子採紅藍楚玉鸞雛鑲碧簪莫羨鴉頭羅襪好一鈎新月印湘潭

其四

新篔下若酒頻傾楚潤相看別有情小戶漫糾還一笑衆中觥政自縱橫

其五

風流太守綠莎廳近水天桃入畫屏最是楚腰嬌絕處一雙鸕鶿起沙汀

其六

范蠡湖邊春草長楚天歸去載夷光人間別有朱公子騎鶴吹笙是六郎

其七

畫梁雙燕舞衣輕
楚楚腰肢總削成
記得錢塘兩蘇小
不知誰箇擅傾城

其八

廬山攜妓故人留
白社流連謁惠休
早爲朝雲求半偈
楚江明日上黃州

山塘重贈楚雲四首

楚雲故姓陸雲聞人

宣公橋畔響輕車
二月相逢約玩花
烏柏着霜還繫馬
停鞭重問泰娘家

其二

家住橫塘小院東
門前流水碧簾櫳
五茸城外新移到
傲殺機雲女侍中

其三

月夜分攜幾度圓
語溪芳草隔雲煙
那知閬闔千條柳
拋撇東風又一年

其四

挾彈城南控紫駟
歲蕤春鎖玉人留
花邊別有秦宮活
不數人間有嵇侯

題殷陟明仙夢圖

蕉團桐笠細風行
夢裏相逢話赤城
自是前身殷七七
今生贏得是詩名

梅村家藏彙卷第八終

此書與前兩卷小不似若前對於

梅村家藏藁卷第九

詩後集一

五言古詩二十七首

下相懷古

驅車馬陵山落日見下相憶昔楚項王拔山氣何壯太息取祖龍大言竟
非妄破釜救邯鄲功居入關上殺降復父讐不比諸侯將杯酒釋沛公殊
有君人量胡爲去咸陽遭人扼其吭亞父無諍言奇計非所望重瞳顧柔
仁隆準至暴抗脫之掌握中骨肉俱無恙所以哭魯兄仍具威儀葬古來
名與色英雄不能忘力戰兼悲歌西風起酸愴廢廟枕荒岡虞兮侍帷帳
烏騶伏坐傍踣地哀鳴狀我來訪遺蹟登高見芒碭長陵竟坏土萬事同
惆悵

夜宿阜昌

我來古昌國望古思樂生總將六諸侯撫劍東專征下齊功不細奔趙事
無成草沒黃金臺猶憶昭王迎涕泣辭伐燕氣誼良非輕此眞天下士豈
獨因知兵忠心激舊將誓死存聊城惜哉魯仲連排難徒高名勸使東游

齊毋乃傷縱橫

贈家侍御雪航

士生槍擡中非氣莫能濟勁節行胸懷高談豁心智吾家侍御公平生蘊
風義世難初橫流事定猶草昧召見邯鄲官軍中獲能吏移牒拜諫官創
業更新制長刀夾殿門令下誰敢議扣馬忽上陳挺身艱難際丈夫持國
是僵仆無所避封事卽留中天語加褒異受命巡山東恩威恤凋弊會討
泰山賊無辜輒連治破械使之歸父老皆流涕征南甘侯軍豪奪武昌地
可憐黃陵廟鈔略空村閉君來仗威名一言釋猜忌塢壁招殘民郊原戢
游騎從此巴丘兵始識長沙尉西望浚稽山黃河遶其背青羌十七種驂
騶飾文鬪自古於金城互市有深意蜀賈蒙山茶兵火苦莫致將吏使之
然憂將玉關廢奉詔清河湟俾復商人利千車摘岷峨五花散涇渭至今
青海頭共刻黃龍誓揭節還歸來公私積勞勤安卧無多談循資躡高位
却拜極言疏手板指朝貴恩深因薄謫材大終難棄古之賢豪人深沉在
晚歲歛盡萬里心日共殘編對學以閱世深官從讀書退以之輕軒冕蕭
條自標置我來客京師一身以匏繫老大慚知交淒涼託兄弟臨風或長

歌邀月非沉醉論世追黃虞刪詩及曹魏恐君故鄉思失我窮途慰家在
五湖西扁舟入夢寐欲取石上泉洗濯塵中累羣公方見推雅志安得遂
朝罷看西山千峰落濃翠良友供盤桓清秋足游憩待予同拂衣徐理歸
田計

題河渚圖送胡彥遠南歸

馬背話江南春山吾負汝白雲能容人猿鳥不我與西冷有高士結廬在
河渚讀書尙感激平生慎推許獨坐長微吟清言出機杼秋風忽乘興千
里長安旅同好四五人招尋忘出處寄跡依琳宮雙松得儔侶雖入侯王
門不受公卿舉登高見遺廟頽垣竄鼯鼠悲歌因卧病歸心入春雨從此
謝姓名問之了不語我爲作此圖彷彿梅花墅蒼然開南軒飛泉落孤嶼
想見君山中相思日延此

送何省齋

哲人尙休官取志不在歲賢達待少年輕心撥名勢神仙與酒色皆是供
蟬蛻在已本歡娛富貴應難累婆娑彼頽老匪止妻孥計棲棲守腐鼠自
信無餘技嗟我豈其然今也跡相類同事有何郎英懷託深契三十拜侍

中向人發長喙拂袖歸去來故園有松桂世網敢自由鄉心偶然遂檣散
却見留送之以流涕我昔少壯時聲華振儕輩講舍鷄籠巖賓朋屢高會
總角能清譚君家好兄弟緩帶天地寬健筆江山麗憑闌見溢口傳烽響
簫吹海寓方紛紜虛名束心意夜半話掛冠明日扁舟繫問余當時年三
十甫過二採藥尋名山筋力正強濟濯足滄浪流白雲羞身世長放萬里
心拔脚風塵際昔爲雲中鶴翩翩九臯唳今爲轅下駒局促長楸轡橫柵
蟠枯根天陰蟲蟻萃縱抱凌霄姿蕭條斧斤畏時命苟弗諧貧賤安可冀
逼盡九折艱咫尺俄失墜淒涼游子裝訣絕衰親淚闕山車馬煩雨雪衣
裘敝長安十二衢書戟朱扉衛冠蓋起鷄鳴蹀躞名豪騎通籍平生交於
今悉凋替磬折當塗前問語不敢對衰白齒坐愁逡巡與之避禁掖無立
談獨行心且悻邂逅君登朝讀書入中秘父子被詔除一堂共昆季呼兒
爭出拜索果牽衣戲回首十六年踪跡猶堪記在苒會幾何萬事經興廢
停觴重剪燭相對加嘘唏我行感衰疾腰脚增疲曳可憐扶杖走向逐名
賢隊薄祿貪負閒憂責仍不細扈從游甘泉浙浙驚沙厲藉草貧無氈僕
天枕以塊霜風帽帶斜頭寒緒如蝟入門問妻孥呻吟在牀被幼女掩面

啼燈青照殘穗白楊何蕭蕭衝泥送歸轡爾死願得還我留復誰爲旁有
親識人通都走聲利厚意解羈愁盛言推名位不悟聽者心怛若芒在背
忽接山中書又責以宜退卿言仍復佳我命有所制總未涉世深止知乞
身易悶卽君過存高談豁蒙蔽苦樂來無方窮達總一致同是集蓼蟲以
此識其味人生厭束縛擺落須才氣君初丞相家祖德替纓繼吐納旣風
流姿容更瓌異披史妙縱橫論詩富裁製激昂承明廷面折公卿議文士
寡先容疏通得交臂騶哄訪當關休沐杉齋閉良工鑄干將出匣蛟龍忌
趨駕度太行躊躇棄騏驥矯矯朗陵公竟下考功第老夫迫枯朽抱膝端
居睡雖稱茂陵病終乏鴟夷智遜子十倍才焉能一官棄早貴生道心中
年負名義蹉跎甘皓首此則子所媿君今謝塵鞅輕裝去如駛雙槩石頭
城木落征驂憩過我儒林館寒鴉噪平地函丈無復在依舊晴嵐翠明年
春水滿客興煙波起鶯啼笠澤船花發龍沙醉高堂剖符竹盡室千山內
郡閣遶鳴灘日晡散人吏無書悼遷斥有夢傷迢遞嶺雁時獨飛楚天樹
如薺雙眼渺荒江片帆忽而至家人迎棹立愛子趨庭慰誰云謫宦愁老
覺君恩最共上鶯孤臺側身望燕魏惆悵念故人沉吟不能置三載客

他鄉一朝遽分袂勞生任潦倒矢志同飄寄少壯今逍遙老大偏濡滯舉世縱相識出門竟誰詣太息行路難殷勤進規誨後會良可希尺書到猶未相去各一方天涯隔憔悴開篋視此詩悅悅不能寐

送宛陵施愚山提學山東三首

秦皇昔東巡作歌示來裔李斯留篆刻足共神仙配胡爲秦岱巔蒼碑獨無字恃此謝六經免滋後賢議至今倉頡臺行人尙流涕君今懷古跡斯文起凋敝蟲魚雖改竄扶桑自天際千載靈光宮丹書閉房記兵火獨搜揚重見鍾離意

其二

魯儒好逢掖偃偃循牆恭長劍忽拄頤掉舌談天雄諸侯走書幣擁篲梧丘宮孟嘗一公子珠履傾關東後來北海相坐上猶遺風君愁吳越士名在甘陵中無使稷下徒車馬矜雍容華士苟不戮橫議將安窮古道誠可作千里尊龜蒙

其三

伊昔嘉隆時文章尙丹雘矯矯濟南生突過黃初作百年少知已褒譏互

參錯風習使之然詩書狗然諾淒涼白雲署前賢遂寥廓君初領法曹追
踪好樓託此行過歷下高風綰如昨太白游山東後來訪盧霍獨愛宣州
城江山足吟謔讀君官舍詩鄉心戀巖壑目斷敬亭雲口銜竹溪酌借問
謫仙人何如謝康樂

礬清湖 并序

礬清湖者西連陳湖南接陳墓其先褚氏之所居也礬情者土
人以水清疑其下有礬石故名或曰范蠡去越取道於此湖名
范遷以音近而訛世遠莫得而攷也太湖居吾郡之北有大山
衝擊風濤澎湃而陳湖諸水渟泓演迤居人狎而安焉煙村水
市若鳧雁之着波面千百於其中土沃以厚畝收二鍾有魚蝦
菱芡之利資船以出入科徭視他境差緩故其民日以饒不爲
盜吾宗之繇情青房公益兄弟居於此四世矣余以乙酉五月
聞亂倉黃携百口投之中流風雨大作扁舟掀簸榜人不辨水
門故處久之始達主人開門延宿鷄黍酒漿將迎灑掃其居前
榮後廢葭蘆掩映榆柳蕭疏月出柴門漁歌四起杳然不知有

人世事矣是時姑蘇送款兵至不戮一人消息流傳緩急互異
湖中煙火晏然予將卜築買田耦耕終老居兩月而陳墓之變
作於是流離轉徙懂而後免事定將踐前約尋以世故牽挽流
涕登車疾病顛連關河阻隔比三載得歸而青房過訪草堂見
予髮白齒落深怪早衰又以其窮愁斃獨妻妾相繼下世因話
昔年湖山兵火奔走提携心力枉枯骨肉安在太息者久之青
房亦以毀家紓役舊業蕩然水鳥樹林依稀如故而居停數椽
斷甑零甓罔有存者人世盛衰聚散之故豈可問耶撫今追往
詮次爲五言長詩用識吾慨且以明舊德於不忘也

吾宗老孫子住在簪清湖湖水清且澗其地皆膏腴堤栽百株柳池種千
石魚教僮數鵝鴨遠屋開芙蓉有書足以讀有酒易以沽終老寡送迎頭
髮可不梳相傳范少伯三徙由中吳一舸從此去在理或不誣嗟予遇兵
火百口如飛鳧避地何所投扁舟指菰蒲北風晚正急煙港生模糊船小
吹雨來衣薄無朝舖前村似將近路轉忽又無倉皇值漁火欲問心已孤
俄見葭菼邊主人出門呼開柵引我船掃室容我徒我家兩衰親上奉高

堂姑艱難總頭白動止需人扶妻妾病伶仃嘔吐當中途長女僅九齡餘
泣猶呱呱入君所居室燈火映窗疏寬閒分數廢嬉笑喧諸雜縛帶東西
廂行李安從奴前臆張望網後壁掛耒耜苦辭村地僻客舍無精麈剪莖
烹伏雌斫鱸炊彫胡牀頭出濁醪人倦消幾壺睡起日已高曉色開煙蕪
漁灣一兩家點染江村圖沙嘴何人舟消息傳姑蘇或云江州下不比揚
州屠早晚安集掾鞍馬來南都或云移民房插箭下嚴符囊橐歸他人婦
女充軍俘里老獨晏然催辦今年租饅畊看賽社醴飲慕呼盧軍馬總不
來里巷相爲娛而我游其間坦腹行徐徐見人盡恭敬不識誰賢愚魚蝦
盈小市鳧雁充中厨月出浮溪光萬象疑沾濡放楫凌滄浪笑弄驪龍珠
夷猶發浩唱禮法胡能拘東南雖板蕩此地其黃虞世事有反覆變亂興
須臾草草十數人盟歃起里閭兔園一老生自詭讀穰苴漁翁爭坐席有
力爲專諸胙艇飾於皇簑笠裝犀渠大笑擲釣竿赤手搏於菟欲奪夫差
宮坐擁專城居子又出子門十步九崎嶇脫身自刃問性命輕鐻銖我去
子亦行後各還其廬官軍雖屢到尙未成丘墟生涯免溝壑身計謀樵漁
買得百畝田從子游長沮天意不我從世網將人驅親朋盡追送涕泣登

征車吾生罹干戈猶與骨肉俱一官受逼迫萬事堪歎歎倦策旣歸來入室翻次且念我平生人慘憺留羅襦秋雨君叩門一見驚清癯我苦不必言但坐觀髭鬚歲月曾幾何筋力遠不如遭亂若此衰豈得勝奔趨十年顧妻子心力都成虛分離有定分久暫理不殊翻笑危急時奔走徒區區君時聽我語顏色慘不舒亂世畏盛名薄俗容小儒生來遠朝市謂足逃沮洳長官誅求急姓氏屬里胥夜半聞叩門瓶盎少所儲豈不惜堂構其奈愁征輸庭樹好追涼剪伐存枯株池荷久不開歲久填泥淤廢宅鋤爲田薺麥生階除當時棲息地零落今無餘生還愛節物高會逢茱萸好採籬下菊且讀囊中書中懷苟自得外物非吾須君觀鳴夷子眷戀傾城姝千金亦偶然奚足稱陶朱不如棄家去漁釣山之隅江湖至廣大何惜安微軀揮手謝時輩慎勿空躊躇

清涼山讚佛詩四首

西北有高山云是文殊臺臺上明月池千葉金蓮開花花相映發葉葉同根栽王母携雙成綠蓋雲中來漢主坐法宮一見光徘徊結以同心合授以九子釵翠裝雕玉輦丹髯沉香齋護置琉璃屏立在文石階長恐乘風

去舍我歸蓬萊從獵往上林小隊城南隈雪鷹異凡羽果馬殊羣材言過
樂游苑進及長楊街張宴奏絲桐新月穿宮槐攜手忽太息樂極生微哀
千秋終寂寞此日誰追陪陛下壽萬年妾命如塵埃願共南山樹長奉西
宮杯披香淖博士側聽私驚猜今日樂方樂斯語胡爲哉待詔東方生執
戟前詼諧薰鑪拂繡帳白露零蒼苔吾王慎玉體對酒毋傷懷

其二

傷懷驚涼風深宮鳴蟋蟀嚴霜被瓊樹芙蓉凋素質可憐千里草萎落無
顏色孔雀蒲桃錦親自紅女織殊方初云獻知破萬家室瑟瑟大秦珠珊
瑚高八尺割之施精藍千佛莊嚴飾持來付一炬泉路誰能識紅顏尙焦
土百萬無容惜小臣助長號賜衣或一襲只愁許史輩急淚難時得從官
進哀誅黃紙鈔名入流涕盧郎才咨嗟謝生筆尙方列珍膳天厨供玉粒
官家未解茶對案不能食黑衣召誌公白馬馱羅什焚香內道場廣座榜
伽譯資彼象教恩輕我人王力微聞金鷄詔亦由玉妃出高原營廢廟近
野開陵邑南望蒼舒墳掩面添悽惻戒言秣我馬遨遊凌八極

其三

入極何茫茫日往清涼山此山蓄靈異浩氣供屈盤能蓄太古雪一洗天地
顏日馭有不到縹緲風雲寒世尊昔示現說法同阿難講樹聳千尺搖
落青琅玕諸天過峰頭終節乘銀鸞一笑偶下謫脫却芙蓉冠遊戲登瓊
樓窈窕垂雲鬢三世俄去來任作優曇看名山初望幸銜命釋道安預從
最高頂灑掃七佛壇靈境乃杳絕捫葛勞躋攀路盡逢一峰傑閣闔朱闌
中坐一天人吐氣如栴檀寄語漢皇帝何苦留人間煙嵐倏滅沒流水空
潺湲回首長安城緇素慘不歡房星竟未動天降白玉棺惜哉善財洞未
得誇迎鑿惟有大道心與石永不刊以此護金輪法海無波瀾

其四

嘗聞穆天子六飛騎萬里仙人觴瑤池白雲出杯底遠駕求長生逐日過
濛汜盛姬病不救揮鞭哭弱水漢皇好神仙妻子思脫屣東巡并西幸難
官宿羅綺寵奪長門陳恩盛傾城李禮華卽修夜痛入哀蟬誅苦無不死
方得合昭陽起晚抱甘泉病遽下輪臺悔蕭蕭茂陵樹殘碑拉風雨天地
有此山蒼崖闕興毀我佛施津梁層臺簇蓮葉龍象居虛空下界聞鬪蟻
乘時方救物生民難其已澹泊心無爲怡神在玉几長以兢業心了彼清

淨理羊車稀復幸牛山竊所鄙縱灑蒼梧淚其賣西陵屢持此禮覺王賢
聖總一軌道參無生妙功謝有爲耻色空兩不住收拾宗風裏

石公山

真宰斷雲根奇物思所置養之以天池益盎插靈異初爲仙家苗百仞千
倉閉釜兩炊雲中杵日鳴天際忽而遇嚴城猿猴不能繼遠窺樓櫓堅逼
視戈矛利一闕當其中飛鳥爲之避仰睇微有光投足疑無地循級登層
巔天風豁蒼翠疲喘干犀牛落落誰能制僮僕一老人獨立拊其背既若
拱而揖又疑隱而睡此乃爲石公三問不吾對

歸雲洞

歸雲何屢願雕斫自太古千松互盤結託根無一土呀然丹崖開蒼茫百
靈斧萬載長欬危撐拄良亦苦古佛自爲相一身雜仰俯依稀莓苔中葉
葉青蓮吐若以度真詮足號藏書府仙翁刺船來坐擘麒麟脯鐵笛起中
流蓮酒虬龍舞晚向洞中眠叱石開百武林几與棋局一一陳廊廡朗然
自茲去黃鶴滿湘浦恐使吾徒窺還將白雲補

林屋洞

震澤初未定水石爭相攻神龍排杳冥盪擊沉虛官仙人資禹力洞府開
洪濛惜哉石函書不救夫差窮大道旣已洩國祚於焉終我行訪遺蹟興
極探虛空絕徑不可肥自視猶枯竒山神愛偃僕直立憂微躬以之生退
怯匍匐羞兒童傳聞道險澀徐衍來天風松炬厭明滅乳竇驚青紅洪崖
應常來牀几陳從容何不迴真馭日月行其中銀房闔幽異勿使吾徒同
終當齋餼糧鍊骨如飛鴻路穿三江底境與諸天通南浮瀟湘水西上峨眉
峰歸來說里人足比靈威翁

送周子做四首

五載奇幽燕歸來問家室入門四壁在小婦當牕織恐其話饑寒且呼治
酒食妻子識君心低頭惟默默嗟余黍隣里欲語弗遑及聞君又行邁君
歸曾幾日睠此父母邦過若遠鄉客丈夫志四海行矣須努力

其二

努力贏餼糧秋風卽長路京口正用兵倉皇過瓜步扁舟戒行李六月黃
河怒脫身萬仞淵此險何足數慷慨輕波濤長年豈知故中道感舊交良
爲詩書悞餘生嬰世網重來獻詞賦登高望烽火躊躇屢迴顧

其二

迴顧去鄉遠近及長安城禁門十二戟策馬聞鷄鳴解褐初登朝日出趨
承明慶雲生堦墀天樂和且平立談計誠用萬里無專征忘忘形樂簡易任
氣高縱橫常恐斗酒後脫略鷓公卿一官了婚嫁可以謀歸耕

其四

歸耕東岡陂清流貫羣木月明夜方靜高話溪堂宿破產求神仙丹砂狗
微祿玉書晚應悟至道亡情欲一飯輒萬錢并日恒不足知交雖云厚距
可先骨肉閱世經艱難息心謝榮辱平生著述事尙有殘編讀

蕩子失意行贈李雲田

君家楚山下門前溪水流願識賢與豪不羨公與侯動足有萬里妻子何
能留丈夫重意氣耻爲兒女柔中夜理瑤瑟思婦當高樓鶯花二三月送
君下揚州小孤白浪惡腸斷征帆收長干嬌麗地一顧嘶驂驢苗苜亦已
落蘭杜方經秋十月嚴風寒剪燭紉衣裳太行車輪摧落葉填霜溝君又
自茲去匹馬將誰投趙女顏如花窈窕迴明眸皎皎雙行躔巧笑奉羅幃
男兒重紅粉妾夢輕浮漚今年附書至慰訊猶網繆客囊無長物旅病才

新夢送窮狗知已進止詎自由狂走三十年布褐空蒙頭不如歸去來漁
釣滄浪謠大兒誦文史小婦彈箜篌南村沽社酒西舍牽畊牛人生一盞
盧漂泊如飛鷗得意匪爲樂失路空闌愁居爲段干隱出作盧敖游我欲
竟此曲君笑登扁舟碧天浩無際極目徒悠悠

丁未三月廿四日從山後過湖宿福源精舍

干林已暝色一峰猶夕陽拾級身漸高樵徑何微茫回看斷山口樹杪浮
湖光松子向前落道人開石房橘租養心性取足鬚眉蒼清磬時一聲流
水穿深篁我生亦何幸暫憩支公牀客夢入翠微人事良可忘

廿五日偕穆苑先孫浣心葉子聞允文游石公山盤龍石梁寂光

歸雲諸勝

大道無端倪眞宰有融結茲山在天壤靈異蓄不泄萬竅凌虛無一柱支
毫末疑豈愚公移愁爲巨靈拔剝根作堂奧柳毅司扇鑄誰啟仙人闕繫
我漁父柁刻鏤洪濛雲雕搜大荒雪或人而疴癢或馬而蹄齧或負藏壑
舟或截專車節或象神鼎鑄或類昆吾切地肺庖丁解月窟工僇伐石圍
封饌糧天厨瑩涓潔重隄累甌甌短柱增榼椀瓜瓞瓠稜剖木皮槎枿裂

嶢嶢黃河水炎炎崑岡蕪哈呀舞辟邪談張饜饜斗起聳雲關一道通
箭筈碧藕玲瓏根文螺宛委穴丹梯躡而上鬱鬱虛皇闕突兀撐青旻插
地屏障列一身生羽翰百尺跨虹蜺斷澗吟楓栴堪爽侵毛髮側窺漏日
影了了澄潭激雜聲出煙井乃與人境接迴思頃所歷過眼纔一瞥秦皇
及漢武好大同蠓蟻齊諧不能志炙輶不能說酈桑二小儒註書事抄撮
陋襲李斯碑闕補周王碣關仝亦妙手惜未適吳越嵩華雖云高無以關
巧拙時俗趁姿媚煙巒漫塗抹妄使僮父輩笑我驕蟻垤京江吸金焦漢
水注大別流峙合而羅奇氣乃一發睥睨五嶽間誰與分優劣扶杖一村
翁眼看話年月昔逢猶兒童今見已耄耄昨聞縣帖下搜索到魚鱉訝彼
白蠶逃無乃青草竭却留幽境在似爲肥遯設當年綺里季卜居採薇蕨
皓首走漢廷恨未與世絕若隨靈威去此處攬藤葛子房知難致欲薦且
捫舌泮生每連蜷塵界儘空濶謀免妻孥愁計取山水悅入春桃李過韶
景聽啼鳩籃輿累親舊同載有二葉穆生老而健孫郎才且傑彼忘筋力
勞我愛資朋挈過湖曳輕帆入寺憩深樾老僧諧語笑妙理攻麴蘖曉起
陳盤餐飽食非靡糲桑畦路宛宛笱屨行兀兀快意在此游失記遺七八

平湖鋪若茵磐石幾人歇蹲踞當其旁拒戶相支暹黝黑聲伺稜欲進遭
噴喝側肩僅容趾腹背供磨軋下踰薜磴奉上觀崩崖豁攀躋差毫釐失
足憂一蹶前竒慕先過後險欣仁脫歌呼雜韶舞嘻笑視履襪君看長安
道高步多蹉跌散誕來江湖蒲伏羞干謁頭因石文低腰向山靈折四月
將已近天時早炎熱揮汗何沾濡驚飈俄凜冽歸來北窗枕響入山溜微
不寐話夜涼連牀擁衾褊晚歲艱出門端居意騷屑閱踪習羈旅逸興貪
放達跌蕩馮夷宮游戲天吳窟將毋神鬼怒亟遣風雨奪勝事滿現前得
失歸勇怯衰老借故人幸喜茲游決他年子胥濤百里聞咤咄鱸鮓隨風
雷頭鎖金牛掣鯨人拭牀几神女洗環玦碩磻打空灘澎湃濺飛沫噲吟
無射鐘嘹唳狴賓鐵孤客爲旁皇嫠婦爲悽咽那知振柁下我輩行車轍
再拜告石公相逢慰饑渴旣從人間世忍再洪波沒志怪作大言嗜奇私
神物肯學楊焉鑄願受壺公訣縮之入懷袖弄之置盆鉢栽松龍氣上蒼
水雲根活長留文士玩勿被山君竊嘗聞岫嶼峰科斗尊往牒剝蝕存盤
螭捫索嗟完缺此山通巴陵下有神禹札後代文字衰致起龍蛇孽我有
琅玕管上灑湘娥血濯足臨滄浪浩思吟不輟未堪追陽水猶足誇李渤

隱從煙霞閉出供時世閱刻之藏書巖千載應不滅

游石公歸是夜驟雨明晨微霽同諸君天王寺看牡丹

煙嵐澹方濟沙暖得徐步訪寺苔徑微遠近人語誤道半逢一泉曲折隨
所赴觸石松頂飛其白或如鷲尋源入杳冥壑絕橋屢渡中有二比丘種
桃白雲護花將舞而笑石則落猶怒饒之以杯酒娟然若迴顧此處疑仙
源快意兼緇素苦辭山地薄縣官責常賦蔬果雖已榮龍象如欲訴學道
與養生得失從時務吾徒筋力衰萬事俱遲暮太息因歸來鐘聲發清悟

掛山樓

名山誰逢迎遇人若俯仰心目無端倪默然與之往幽泉互相答飛鳥入
空想傑閣生其間樞軒爭一爽嘉樹爲我圓坐久惜餘賞瞑靄忽而合明
月出孤掌彈琴坐其中萬籟避清響良夜此會難佳處莫能獎

題江右非非子訪道遙子圖

我聞逍遙子養性白雲裏嘗欲往從之千峰隔秋水訪道者何人驢背浩
歌起欲問其姓名不知誰者是呼之以非非應言聊唯唯道人豈老聃處
士疑尹喜此方揚吟鞭彼且揮塵尾秋山發清悟丹楓樹如薺谷口俄怒

號隨風墮牀几大道本見前開落有如此富貴供掉頭妻孥供脫屣我當
自茲去褻裳慕輕舉

鹽官僧香海問詩於梅村村梅大發以詩謝之

但訪梅花來今見梅花去何必爲村翁重尋灌園處種梅三十年透屋已
千樹饑摘花蕊餐倦抱花影睡枯坐無一言自謂得花意師今遠來游恰
與春光遇索我囊中詩搔首不能對寄語謝故人幽香養衰廢溪頭三尺
水好洗梅魂句

直溪吏

直溪雖鄉村故是尙書里短棹經其門叫聲忽盈耳一翁被束縛苦辭粟
如洗吏指所居堂卽貧誰信爾呼人好作計緩且受鞭箠穿漏四五間中
已無窗几屋梁紀月日仰視殊自耻昔也三年成今也一朝毀貽我風雨
愁飽汝歌呼喜官逋依舊在府帖重追起旁人共歎歎感歎良有以東家
瓦漸稀西舍墻半圯生涯分應盡遲速總一理居者今何栖去者將安徙
明巖留空村極目推流水

臨頓兒

臨頓誰家兒生小矜白哲阿爺負官錢棄置何倉卒給我道誰家朱門臨
廣陌囑儂且好住跳弄無知識獨怪臨去時摩首如憐惜二年教歌舞萬
里離親戚絕伎逢侯王寵異施恩澤高堂紅氍毹華燈布瑤席授以紫檀
槽吹以白玉笛文錦縫我衣珍珠裝我額瑟瑟珊瑚枝曲罷恣狼藉我本
貧家子邂逅遭拋擲一身被驅使兩口無消息縱賞千黃金莫救餓死骨
歡樂居宅鄉骨肉誠何益

梅村家藏彙卷第九終

梅村家藏藁卷第十

詩後集二

七言古詩二十九首

楚兩生行 并序

蔡州蘇崑生維揚柳敬亭其地皆楚分也而又客於楚左寧南
駐武昌柳以談蘇以歌爲幸舍重客寧南沒於九江舟中百萬
衆皆奔潰柳已先期東下蘇生痛哭削髮入九華山久之出從
武林汪然明明然明亡之吳中吳中以善歌名海內然不過啾緩
柔曼爲新聲蘇生則於陰陽抗墜分判比度如崑刀之切玉叩
之栗然非時世所爲工也嘗遇虎丘廣場大集生脫其旁笑曰
某郎以某字不合律有識之者曰彼僮楚乃竊言是非思有以
控之間請一發聲不覺屈服願少年耳剝日久終不肯輕自貶
下就蘇生問所長生亦落落難合到海濱寓吾里蕭寺風雪中
以余與柳生有雅故爲立小傳援之以請曰吾浪跡三十年爲
通侯所知今失路憔悴而來過此惟願公一言與柳生並傳足

矣柳生近客於雲間帥識其必敗苦無以自脫浮湛敖弄在軍
政一無所關其禍也幸以免蘇生將渡江余作楚兩生行送之
以之寓柳生俾知余與蘇生游且爲柳生危之也

黃鵠磯頭楚兩生征南上客擅縱橫將軍已沒時世換絕調空隨流水聲
一生在頰高談妙君卿唇舌淳于笑痛哭長因感舊恩詼嘲尙足陪年少
途窮重走伏波軍短衣縛袴非吾好抵掌聊分幕府金囊莫自把江村釣
一生嚼微與含商笑殺江南古調亡洗出元音傾老輩疊成妍唱待君王
一絲紫曳珠盤轉半黍分明玉尺量最是大堤西去曲累人腸斷杜當陽
憶昔將軍正全盛江樓高會誇名勝生來索酒便長歌中天明月軍聲靜
將軍聽罷據胡牀撫髀百戰今衰病一朝身死監降旛貔貅散盡無橫陣
祁連高塚泣西風射堂賓客嗟蓬鬢棲孤館伴斜曛野哭天邊幾處聞
草滿獨尋江令宅花開閒弔杜秋墳鴉絃屢換尊前舞鼉鼓誰開江上軍
楚客祇憐歸未得吳兒肯道不如君我念邗江頭白叟滑稽幸免君知否
失路徒貽妻子憂脫身莫落諸侯手坎壈繇來爲盛名見君寥落思君友
老去年來消息稀奇爾新詩同一首隱語藏名代客嘲姑蘇臺畔東風柳

茸城行

朝出胥門塘暮泊余山麓
旁帶三江襟屢瀆五茸城
是何王築泖塔霜高稻葉黃
澱湖雨過蓴絲綠百年以來誇勝事
丹青圖卷高珠玉學士揮毫清秘樓
徵君隱几逍遙谷前輩風流書畫傳
後生賢達聲華續給事才名矯若龍
出公人地清如鶴汗簡銷沉又幾秋
滄江屢建高牙纛不知何處一將軍
到日雄豪炙手薰羊侃後房歌按隊
陳稭賓客劍成群刻金爲漏三更箭
錯寶施牀五色文異物江淮嘗月進
新聲京雒自天聞承恩累賜華林宴
歸鎮高談橫海動未見尺書收草澤
徒誇名字得風雲此地江湖縮鎖鑰
家擅陶朱戶程卓千箱布帛運輜車
百貨魚鹽充邸閣將軍一一數高貲
下令搜牢徧墟落非爲仇家告併兼
卽稱盜賊通囊橐望屋遙窺室內藏
算緡似責從前諾敢信黔婁脫網羅
早看猗頓填溝壑窟室飛觴傳箭催
博場戲責橫刀索縱有名豪解折行
可堪小戶勝狂藥將軍沉酒不知止
箕踞當筵任顛指拔劍公收伍佰妻
鳴髀射殺良家子江表爭猜張敬兒
軍中思縛盧從史枉破城南十萬家
養士何無一人死貪財好色英雄事
若輩屠沽安足齒君不見夫差獵騎
何翩翩五茸春草城南天雉

媒飛起發雙矢西施笑落珊瑚鞭湖山足紀當時勝歌舞猶爲後代傳陸
生文士能爲將勳名三世才難量河橋雖敗事無成睥睨千秋肯誰讓代
有文章占數公煙霞好處偏神王兵火燒殘萬卷空大節英聲未凋喪一
朝遠落老兵手百里溪山復何有已見衣冠拜健兒苦無丘壑安窮叟茸
城楊柳鬱婆娑欲繫扁舟柰晚何盤龍浦上行人少唳鶴灘頭戰艦多我
望嚴城聽街鼓鱸魚沽酒扣舷歌側身回視忽長笑此亦當今馬伏波

過錦樹林玉京道人墓

并傳

玉京道人莫詳所自出或曰秦淮人姓卞氏知書工小楷能畫
蘭能琴年十八僑虎丘之山塘所居湘簾業几嚴淨無纖塵雙
眸泓然日與佳墨良紙相映徹見客初亦不甚酬對少焉諧謔
間作一坐傾靡與之久者時見有怨恨色問之輒亂以它語其
警慧雖文士莫及也與鹿樵生一見遂欲以身許酒酣拊几而
顧曰亦有意乎生固爲若弗解者長嘆凝睇後亦竟弗復言尋
遇亂別去歸秦淮者五六年矣久之有聞其復東下者主於海
虞一故人生偶過焉尙書某公者張具請爲生必致之衆客皆

停杯不御已報日至矣有頃迴車入內宅屢呼之終不肯出生
悒悒自失殆不能爲情歸賦四詩以告絕已而歎曰吾自負之
可奈何踰數月玉京忽至有婢曰柔柔者隨之嘗著黃衣作道
人裝呼柔柔取所攜琴來爲生鼓一再行泣然曰吾在秦淮見
中山故第有女絕世名在南內選擇中未入宮而亂作軍府以
一鞭驅之去吾儕淪落分也又復誰怨乎坐客皆爲出涕柔柔
莊且慧道人畫蘭好作風枝婀娜一落筆盡十餘紙柔柔承侍
硯席間如弟子然終日未嘗少休客或導之以言弗應與之酒
弗肯飲踰兩年渡浙江歸於東中一諸侯不得意進柔柔奉之
乞身下髮依良醫保御氏於吳中保御者年七十餘侯之宗人
築別宮資給之良厚侯死柔柔生一子而嫁所嫁家遇禍莫知
所終道人持課誦戒律甚嚴生於保御中表也得以方外禮見
道人用三年力刺舌血爲保御書法華經旣成自爲文序之繼
素咸捧手讚歎凡十餘年而卒墓在惠山祇陀菴錦樹林之原
後有過者爲詩弔之日

龍山山下茱萸節，泉響琤淙流不竭。但洗鉛華不洗愁，形影空潭照離別。
離別沉吟幾迴顧，遊絲夢斷花枝悟。翻笑行人怨落花，從前總被春風誤。
金粟堆邊烏鵲橋，玉嬈湖上蘼蕪路。油壁曾聞此地遊，誰知卽是西陵墓。
烏柏霜來映夕曛，錦城如錦葬文君。紅樓慙亂燕，支雨繡嶺迷離石鏡雲。
絳樹草埋銅雀現，綠翹泥浣鬱金裙。居然設色倪迂畫，點出生香蘇小墳。
相逢盡說東風柳，燕子樓高人在否。枉拋心力付蛾眉，身去相隨復何有。
獨有瀟湘九畹蘭，幽香妙結同心友。十色箋翻貝葉文，五條絃拂銀鈎手。
生死梅檀祇樹林，青蓮舌在知難朽。良常高館隔雲山，記得斑駁嫁阿環。
薄命只應同入道，傷心少婦出蕭關。紫臺一去魂何在，青鳥孤飛信不還。
莫唱當時渡江曲，桃根桃葉向誰攀。

曇陽觀訪文學博士無官家萬里講席漂零笠澤雲鄉心斷絕昆明水

先生頭白髮垂耳，博士無官家萬里。講席漂零笠澤雲，鄉心斷絕昆明水。
南來道者爲蒼公，說經如虎詩如龍。大渡河頭洗白足，一枝椰栗棲中峯。
與君相見春然笑，石床對語羈愁空。故園西境接身毒，雪山照耀流沙通。
神僧大儒却並出，離題久矣漸華風。嗚呼銅鼓鳴莊躡，起青草湖邊築營。

壘金馬碧雞悵已矣人言堯幽囚或言舜野死目斷蒼梧淚不止吾州城
南祠仙子窈窕丹青映圖史玉棺上天人不見遺骨千年蛻於此先生結
茅居其傍歸不歸兮思故鄉盡道長沙軍已得滇池王伏波南下開夜郎
烏髮孤城猶屈強青蛉絕塞終微茫忽得山中書蒼公早化去支遁經臺
樹隕花文翁書屋風飄絮噫嘻乎悲哉香象歸何處杜宇啼偏哀月明夢
落枕椰臺丈夫行年已七十天涯戎馬知何日點蒼青洱海白道路雖開
亦無及

贈陸生

陸生得名三十年布衣好客囊無錢尙書墓道千章樹處士江邨二頃田
京華浪迹非長計賣藥求名總遊戲習俗誰容我棄捐才名苦受人招致
古來權要嗜奔走巧借高賢謝多口古來貧賤難自持一僨誤喪生平守
陸生落落眞吾流行年五十今何求好將輕俠藏亡命恥把文章謁貴游
丈夫肯用他途進相逢誤喜知名姓狡獪原來達士心棲遲不免文人病
黃金白璧誰家子見人盡道當如此銅山一旦拉然崩却笑黔婁此中死
嗟君時命劇可憐蜚語牽連竟配邊木葉山頭悲夜夜春申浦上望年年

江花江月歸何處燕子鷺兒等飄絮紅豆啼殘曲裏聲白楊哭斷齋前樹
屈指鄉園筍蕨肥南烹置酒夢依稀尊鱸正美書堪寄燈火將殘淚獨揮
君不見鴻都買第歸來客駟馬軒車胡辟易西園論價喜誰知東觀論文
矜莫及從他羅隱與方干不比如君行路難只有一篇思舊賦江關蕭瑟
幾人看

吾谷行

吾谷千章萬章木插石綠溪秀林麓中有雙株向背生並幹交柯互蟠曲
一株天矯面東風上拂青雲宿黃鵠黃鵠引吭鳴一聲響入瑤花飛簌簌
一株偃蹇踞陰崖半死半生遭屈辱雷劈燒痕翠鬣焦雨垂漏滴蒼皮縮
泥崩石斷迸枯根鼠竄蟲穿隱空腹行人過此盡彷徨日暮驅車不能速
前山路轉相公墳宰木參差亂入雲枝上子規啼碧血道傍少婦泣羅裙
羅裙碧血招魂哭寡鵠羈雌不忍聞同伴幾家逢下淚羨他夫婿尙從軍
可憐吾谷天邊樹猶有相逢斷腸處得免倉黃剪伐愁敢辭漂泊風霜懼
木葉山頭雪正飛行人十月遼陽戍兄在長安弟玉關摘葉攀條不能去
昨宵有客大都來傳道 君王幸漸臺便殿含毫題 詔濕閣門走馬報

花開宮槐聽取從官詠御柳催成應制才定有春風到吾谷故園不用憂
樵牧雖遇彫枯墜葉黃恰逢滋茂攢條綠由來榮落總何常莫向干門羨
棟梁君不見庾信傷心枯樹賦縱吟風月是他鄉

送杜大于皇從婁東往武林兼簡曹司農秋岳范僉事正

五月江村客行曉僮無朝舖馬無草路穿槐柳到柴門滿架藤花屋灑掃
與君相別定何年一見嗟余頭白早東隣濁酒賒未到盤格龕疏具梨棗
莫怪貧家一飯難主人長饑客不飽解囊示我金焦詩四壁波濤驚欲倒
一氣元音接混茫想落千峰入飛鳥近來此地擅時譽粉飾開元與天寶
我把耒鋤倦唱酬恥畫蛾眉鬪工巧看君爽氣出江山始悔從前作詩少
海內悠悠識者誰汝有平生故人好副相猶然卧茂陵侍郎已是歸嶺表
况逢少伯共登臨西子湖頭月皎皎人生貧賤何足悲縱酒高歌白雲杳
勝絕留容我輩狂劫灰燒盡雷峰小落落窮途感快游愧我菰蘆色枯槁
佳句流傳遍世間奇書早慰江潭老

悲歌贈吳季子

松陵人
字漢桂

人生千里與萬里黯然消魂別而已君獨何爲至於此山非山兮水非水

生非生兮死非死十三學經并學史生在江南長紉綺詞賦翩翩衆莫比
白壁青蠅見排抵一朝束縛去上書難自理絕塞千山斷行李送吏淚不
止流人復何倚彼尙愁不歸我行定已矣八月龍沙雪花起橐駝垂腰馬
沒耳白骨皚皚經戰壘黑河無船渡者幾前憂猛虎後蒼兕土穴偷生若
螻蟻大魚如山不見尾張髻爲風沫爲雨日月倒行入海底白晝相逢半
人鬼噫嘻乎悲哉生男聰明慎勿喜倉頡夜哭良有以受患祇從讀書始
君不見吳季子

織婦詞

黃繭綠絲不成匹停梭倚柱空太息少時織綺貢尙方官家曾給千金直
孔雀蒲桃新樣改異繡奇文不遑識桑枝漸枯蠶已老中使南來催作早
齊紈魯縞車班班西出玉關賤如草黃龍祗子紫橐駝千箱萬疊奈爾何

贈穆大苑先

從汝寧確山歸確
山余兄純祐治也

穆生同學今頭白讀書不遇長爲客亂離諸子互升沉共樂同愁不相失
出入知交三十年江山幾處供游歷承平初謁武夷君荔支日啖過三百
兵火桐江遇故人釣臺長嘯凌千尺身軀雖小酒腸寬坦腹鄉村話疇昔

訪友新年到蔡州淮西風浪使人愁峭帆直下雙崖險奇石橫空衆水流
泊口斷磯傳禹跡山根雷雨鎖獼猴舍舟別取中都道寢廟高原陵樹秋
定有風雲歸大澤不堪弓劍弔荒丘仰天太息頻搔首失脚倒墮烏犍牛
偶來帝鄉折左臂吾苦何足關封侯丈夫落落謗徒步芒鞋踏遍天涯路
中原極目滿蓬蒿海內於今信多故萬事無如散誕游一官必受羈縻誤
傷心憔悴朗陵侯征蹄奔命無朝暮身親芻秣養驂騮供頓三軍尙嗔怒
赤日黃埃伏道旁鞭稍拂面將誰訴故舊窮途識苦辛掉頭舉世盜相顧
嗚呼汝南風俗天下稀死生然諾終難移相逢應自有奇士客中可以談
心期君行千里徇友急此意豈得無人知

遣悶六首

秋風泠泠蛩唧唧中夜起坐長太息我初避兵去城邑田野相逢半親識
扁舟遇雨煙村出白版溪門主人立鷄黍開尊笑延入手持釣竿前拜揖
十載鄉園變蕭瑟父老誅求窮到骨一朝戎馬生倉卒婦人抱子草間匿
津亭無船渡不得仰視烏鵲營其巢天邊煢燉猶能逃我獨何爲委蓬蒿
搔首同望明星高

其二

鷄既鳴矣升高堂問我消息來何方欲語不語心彷徨當年奔走雖茫茫
兩親筋力支風霜上有王母方安康下有新婦相扶將小妹中夜縫衣裳
百口共到南湖莊只今零落將誰望出門一步紛螭蟾十人五人委道傍
去鄉五載重相見江湖到處逢征戰一家未遂昇平願百年那得長貧賤

其三

人生豈不繇時命萬事憂愁感雙鬢兄弟三人我衰病齒牙落盡誰能信
疇昔文章傾萬乘道旁爭欲知名姓中年讀易甘肥遞歸來擬展雲山興
赤城黃海東南勝故圍烽火憂三徑京江戰骨無人問愁吟獨向南樓凭
風塵咫尺何時定故人往日燔妻子我因親在何敢死憔悴而今困於此
欲往從之媿青史

其四

生男歡喜生女憐嗟我無子誰尤天傷心七女盡亡母啾啾乳燕枝難安
一女血淚啼闌干舅姑嶺表無書傳一女家破歸間關良人在北愁戍邊
更有一女憂烽煙圍城六月江風寒使我念此增辛酸其餘燈下行差肩

見人悲歎殊無端攜手遊戲盈牀前相思夜闌更剪燭巖城鼓聲振林木
衆雛怖向牀頭伏搖手禁之不敢哭

其五

舍南春水成清渠其上高柳三五株草閣窈窕花扶疏園有菜茹池有魚
蓬頭奴子推鹿車藝瓜既熟分里閭忽聞兵馬來城隅南翁北叟當憲趨
我把耒鋤心躊躇問言不答將無愚老大無成灌蔬壤暫息干戈竊偃仰
舍之出門更何往手種松杉已成長

其六

白頭儒生良自苦獨抱陳編住環堵身歷燕南遍齊魯摩挲漆經觀石鼓
上探商周過三五矻矻窮年竟奚補岫嶺山頭祝融火百王遺文棄如土
馬矢高於甕相圖筌釋蠱魚付榛莽寓言何必齊莊周屬辭何必通春秋
一字不向人間留亂離已矣吾無憂

詠拙政園山茶花

并引

拙政園故大弘寺基也其地林木絕勝有王御史者侵之以廣
其宮後歸徐氏最久兵興爲鎮將所據已而海昌陳相國得之

內有寶珠山茶三四株交柯合理得勢爭高每花時鉅麗鮮妍
紛披照矚爲江南所僅見相國自買此園在政地十年不歸再
經譴謫遂海此花從未寓目余偶過太息爲作此詩他日午橋
獨樂定有酬唱以示看花君子也

拙政園內山茶花一株兩株枝交加艷如天孫織雲錦頰如姮女燒丹砂
吐如珊瑚綴火齊映如蟬蛸凌朝霞百年前是空王宅寶珠色相生光華
長養端資鬼神力優曇湧現西流沙歌臺舞榭從何起當日豪家擅閭里
苦奪精藍爲翫花旋拋先業隨流水兒郎縱博賭名園一擲留傳猶在耳
後人修築改池臺石梁路轉蒼苔履曲檻奇花拂畫樓樓上朱顏嬌莫比
千條絳蠟照鈴華十丈紅墻飾羅綺闔盡風流富管弦更誰瞥眼閒桃李
齊女門邊戰鼓聲入門便作將軍壘荆棘從填馬矢高斧斤勿剪鶯簧喜
近年此地歸相公相公勞苦承明宮眞宰陽和暗迴斡長安日日披薰風
花留金谷遲難落花到朱門分外紅獨有君恩歸未得百花深鎖月明
中灌花老人向前說園中昨夜零霜雪黃沙浙浙動人愁碧樹垂垂爲誰
發可憐塞上燕支山棠花不就花枝殷江城作花顏色好杜鵑啼血何斑

斑花開連理古來少並蒂同心不相保名花珍異惜如珠滿地飄殘胡不
掃楊柳絲絲二月天玉門關外無芳草縱費東君着意吹忍經摧折春光
老看花不語淚沾衣惆悵花間燕子飛折取一枝還供佛征人消息幾時
歸

短歌

王郎頭白何所爲罷官嶺表歸何遲衣囊已遭盜賊笑襜被尙少親朋知
我書與君堪太息不如長作五羊客君言垂老命如絲縱不歸人且歸骨
入門別懷未及話石壕夜半呼倉卒胠篋從他誤攫金告緡憐我非懷璧
田園斥盡敝裘難苦乏家錢典圖籍愛子摧殘付託空萬卷飄零復奚惜
吁嗟乎十上長安不見收千山遠宦終何益君不見鬱孤臺臨數百尺惡
灘過處森刀戟歷遍風波到故鄉此中別有盤渦石

西巘顧侍御招同沈山人友聖虎三夜集作圖紀勝因賦長句

漢陽仙人乘黃鵠朝發三巴五湖宿春深湖滿闔閭城剪得晴川半篙綠
錦涇催動木蘭桡恣討名山縱心目判牘揮毫撥若雲支筇屏騎從惟鹿
蒼丘虎氣鬱騰驤一片盤陀徑廣場平座干人填語笑危欄百尺沸絲簧

夫差石上杯浮月，歐冶池邊劍拂霜。花雨講臺孤塔迥，風流捨宅六朝荒。
曾來此地探奇蹟，薄晚迎流刺舟入。攜手何人沈與吳，詞客青衫我頭白。
脫略才知與會真，冥搜務取煙霞適。火照靈湫暑月寒，鐘埋苦霧陰崖黑。
魯公擘窠字如斗，忠孝輪囷鬼神走。薜剝苔侵耿不磨，手捫沉吟立來久。
重燒官燭奏鵬絃，今夕懽游逢快友。後約須聽笠澤鶯，臨分忍折闌門柳。
七里山塘五月天，玉絲金管自年年。江村茶熟橋成市，溪館花開樹滿船。
賀老一歌嘗月下，秦孃雙槩即門前。泥車瓦馬兒童戲，竹几蕉團估客眠。
萬事韶華有凋替，煙蕪漸失層巒翠。鼠竄迴廊僧舍空，鴉啼廢井漁扉閉。
赤幘黃鸞佳氣浮，姑蘇臺上春風細。今出天清鶴鶴高，詩成日落溪山麗。
筍屐籃輿逐後塵，碧油簾舫夜留賓。棲遲我已傷頽老，歷落君偏重散人。
好把丹青垂勝事，可憑詩卷息閒身。襄陽寺壁摹羊祜，句曲山圖補許詢。
妙手生綃經想像，兔毫點出雙瞳王。抱膝看雲見礪砢，搢頤藉草耽疏放。
半衲誰堪竺道生，一樽足擬陶元亮。絹素流傳天壤存，七年相見欣無恙。
黃鶴高飛玉笛殘，舊游我亦夢湘沅。峭帆此去應千里，鄂樹參差響急灘。
飲君酒送君還，王程長作畫圖看。攜將老筆龍眠輩，寫盡江南江北山。

高涼司馬行

贈孫孝若

高涼司馬才如龍，眼看變化疇人中。豪華公子作能吏，刻苦不與尋常同。十年太末聲名好，隨牒單車向嶺表。猿嘯天邊雁北飛，相思不斷如春草。官清喜得鄉園近，載米嘗聞上山郡。此去雖持合浦珠，炎州何處沾佳醴。君言萬事隨雙屐，浮踪豈必嗟行役。婚嫁纔完身計空，掉頭且作天涯客。江南賦稅愁連天，笑余賣盡江南田。京華權貴書盈寸，笑余不作京華信。平生聲伎羅滿前，襖被獨上孤篷船。到日蘭芽開百本，飽啖荔枝論錢。故舊三人腸幾轉，白頭老輩難吟卷。王宰丹青價自高，周郎酒興愁來減。三衢橘柚廣州柑，夢遶江南與海南。吾谷霜楓迴首處，錯認桃椰是鄉樹。

魯謙菴使君以雲間山人陸天乙所畫虞山圖索歌得二十七韻

江南好古推海虞，大癡畫卷張顛書。士女嬉游衣食足，丹青價重高璠璣。不知何事今蕭索，異聞只說姑蘇樂。西施案舞出層臺，瑟瑟珍珠半空落。聞道王孫愛畫圖，購求不惜千金諾。此地空餘好事家，扁舟載入他人棗。玉軸牙籤痛惜深，丹崖翠壁精華弱。魯侯魯侯何太奇，此卷留得無人知。一官三載今上計，粉本溪山坐卧持。九峯主人寫名勝，百年絹素猶蒼潤。

云是探微後代孫飄殘兵火遺名姓我也菰蘆擁被服舊遊屈指嗟衰病
忽聽柴門枉尺緘披圖重起籃輿興烏目煙巒妙蜿蜒西風拂水響濺濺
使君自是神仙尉老我堪依漁釣船招眞治畔飛黃鵠七檜盤根走麋鹿
寫就青山當酒錢醉歌何必諧絲竹魯侯笑我太顛狂不羨金張誇顯陸
登臨落日援吟毫太息當年賢與豪請爲陸生添數筆絳雲樓榭舊東臯

九峰草堂歌 并序

九峰草堂者青溪諸軋一進士所構也軋一取第後未仕著書
九峰山下每峰皆有卜築而神山爲最明初彭素雲仙翁修眞
此山徵書至而蛻去丹井尙存金蛇著異故名神鼉峰焉少叅
陸蘭陔誅茅山麓而其旁張王屋先生舊墅有孫漢度能繼家
風余詩中所援陸瑁張融蓋指兩人也余山爲陳徵君眉公隱
處吾友董得仲以詩文爲此峯主人軋一葺徵君廢屋置祠而
橫雲爲李氏園相望則天馬峰有鐵崖舊墓機山則二陸故宅
也軋一拉余同遊坐客有許九日沈友聖倪思曼及故人徐陳
二子而少司空張公尋攜尊至凡乞花塲種藕塘仙人棋枰庫

將軍兵書鐵鎖并玉屏石牀龍洞虎塔皆一時杖屨所登歷故

敘次及之其詳在九峰誌中

九峰草堂神巖峰丹崖啓自彭仙翁終南曳杖來採藥眼看江上飛虬龍
紫泥欲下早蟬蛻掉頭不肯隨東封金蛇三寸戲沙磔玉栢萬古懸虛空
仙井曾經鬼神鑿九還洗出桃花紅霓旌羽節往來過月明鸞鶴吟天風
九峰主人青溪曲上清謫受金門祿一鞭槐市撼鳴珂脫却朝衫友麋鹿
地近靈移許椽家身輕未辟留侯穀層閣嶽嶽俯碧潭迴廊窈窕穿修竹
同志相期四五人幽棲幾處依林麓陸瑁溪堂薄宦成張融岸屋先人築
曹唐道者伴吹笙註罷南華理松菊

道士曹耕雲同隱

葉落閒階闔苑鐘熏香小

史清如玉主人詩酒真人豪好將蹤跡從漁樵痛飲恕人容水部

軋一善飲而余

杯不識長吟懷古繼龍標名高仕宦從教懶金盡妻孥任見嘲是處亭臺

添布置到來賓客共逍遙精藍每與支公會

支公指大衛和句

快友還將董相招

得我輩漫應誇隱遁此君猶復困蓬蒿小園涉趣知能賦中歲離愁擬續

騷右手酒杯澆塊壘雙眸書卷辨秋毫

得仲目疾復明

憶昔溪山正全盛徵君比

屋開三徑筍屐籃輿爲燕忙酒旗歌板花枝映處士詩成猿鳥知向書畫

就煙巒潤客過嘗逢太守車書來每接高僧信李氏名圖士女游徐公別

墅琴尊興女貞別業在西余 稊飲壺觴妙妓絃餅師粧妝山翁印眉公好說餅市者以爲名西

風急浪五湖天四月江村響杜鵑僊客棋枰拋浩劫道人肩鐻隱殘編乞

花何處花如錦種藕曾無藕似船鐵笛已稀天馬逝玉屏雖在石牀鑿豢

龍洞暗荒祠雨講虎經銷妙塔年九峯主人三歎息赤烏臣主真相得儒

將雍容羽扇風歌鍾檠戟王侯宅勲業將衰文字興江山秀弱機雲出賣

玉空埋劍影寒蘆花一片江湖白英雄已往餘氣在後來往往生遺佚青

史人間歲月道老鐵歌殘歌白石眉公自稱我聽君談意悽哽停樽不御

青燈耿相看徐孺與陳郎閻公大 雜坐迂倪思借瘦沈聖 疆項還推一老

生江都著作據孤憤仲履齒俄聞到茂先一坐傾靡再張飲有客依人話

過秦客有談關中事 無家二子同哀郢即徐陳二子 感舊思今涕淚多荒鷄喔喔催人

寢九峰九峰空嶼岼朝來重上仙翁壇浮生感歎誠無端拂衣長嘯投漁

竿煙波一葉愁風湍願君授我長生訣攜向峰頭萬仞看

觀王石谷山水圖歌

世間勝事誰能識兵戈老盡丹青客真宰英靈厭寂寥江山幻出王郎筆

王郎展卷閒窻淨，良久呼之曾不應。剪水雙瞳鎮日看，側身似向千峰進。
一時儒雅高江東，氣韻吾推里兩翁。師授雖真肯沿襲，後生更自開蠶叢。
取象經營巧且密，丰神點拂天然中。頓挫淋漓寫胸臆，研精毫髮摹宗工。
廣陵花月扁舟送，貴戚豪華盛供奉。不惜黃金購畫圖，好奇往往輕南宋。
妙手裝潢技絕倫，殘縑斷墨俄飛動。闔閭城下收藏家，誅求到骨愁生涯。
僅存數軸用娛老，載去西風響鹿車。君也侯門跋珠履，晴日湘簾憑畫几。
奕罷雙童捧篋來，狎客何知亦咨美。笑持茗椀聽王郎，鑒別妍媸臻妙理。
作者風流異代逢，賞心拊掌王孫喜。枉買青娥十萬錢，移人尤物惟山水。
王郎馳譽滿通都，輟裘快馬還東吳。道邊相識半窮餓，致身猶是憂妻孥。
羨君人材爲世出，盛年絕藝須難得好求。眞訣走名山，粉本終南兼少室。
攬取荆關入掌中，歸帆重補煙江色。諸侯書幣迷深處，搦管松根醉箕踞。
絹素流傳天壤間，白雲萬里飛來去。

京江送遠圖歌 并序

京江送遠圖者石田沈先生周爲吾高祖遜菴公之官敘州作也。圖成於弘治五年辛亥之三月，京兆祝公希哲允明爲之序。

後一百七十有八年公之四世孫偉業謹案京兆序而書之曰
公諱愈字惟謙一字遜菴成化乙未進士授南京刑部主事進
郎中清慎明敏號稱職先後九載南司寇用弘治三年詔書得
薦其屬將待以不次疏未達而命守敘州爲守旣常調敘又險
且遠公獨不以爲望南中諸大僚爲文以寵其行太僕寺丞文
公宗儒林旣已自爲文又遍乞名人之什以贈文公之子待詔
徵仲璧卽公婿也石田爲文公執友待詔親從之受畫法京兆
之交在文氏父子間故石田爲作長卷題以短歌而京兆序之
長卷中平橋廣坡桃柳雜植有三峰出其上離舟揮袂送者四
五人點染景物皆生動短歌有荔支初紅五馬到江山亦爲人
增奇之句其風致可想見焉京兆文典雅有法度小楷做鍾太
傅體尤其生平不多得詩自都立敬以下十有五人朱性甫存
理劉協中嘉縉尤以詞翰著名者也先朝自成弘以來一郡方
雅之族莫過文氏而吾宗用世講相輝映當敘州還自蜀叅政
河南而文太僕丞出爲温州守待詔以詩文書畫妙天下晚出

而與石田齊名其於外家甥舅中表多有往還手蹟偉業六七
歲時見吾祖封詹事竹臺公所藏數十紙今大半散失猶有存
者此卷比之宅表日月爲最久衰門凋替不知落於何人乃劫
灰之餘得諸某氏質庫中若有神物擁護以表章其先德不綦
幸乎吾吳氏自四世祖儀部冰蘖公以乙科起家叅政再世滋
大父子皆八十有重德其行畧具吳中先賢傳中偉業無似不
能闡揚萬一庶幾邀不朽於昔賢之名蹟而藉手當世諸君子
共圖其傳是歌之作見者有以教之也

京江流水清如玉楊柳千條萬條綠畫舫勞勞送客亭勾吳人去官巴蜀
巴蜀東南夔道開夷牢山下居民屋諸葛城懸斷棧邊李冰路鑿顛崖腹
不知置郡始何年卽敘西戎啓荒服吾祖先朝事孝宗清郎遠作蠻方牧
家世流傳餞別圖知交姓字摩挲讀先達鄉邦重文沈太僕絲蘿共華省
徵仲當時尙少年後來詞翰臻能品師承父執石田翁婉致姻親書畫請
相城高卧灑雲煙話到相知因笑肯太守嚴程五馬裝山人尺素雙江景
草色官橋從騎行花時祖帳離尊飲碧樹遙遙別袂情青山疊疊征帆影

首簡能書枝指生揮毫定值殘醒醒狂草平生見儘多愛看楷法藏鋒緊
徵仲關心畫後題石田句把前賢引杜老會遊擘荔支涪翁有味嘗苦筍
唐戎州宋紹聖四年始改爲敘杜子美客游詩有輕紅擘荔支之句此地
黃山谷貶官作筍賦言苦而有味官況似之故石田短歌引此相贈此地
居然風土佳丈人仕宦堪高枕嗚呼孝宗之世眞成康相逢骨肉游義皇
罍塘劍閣失險阻出門萬里皆康莊雖爲邊郡二千石經過黑水臨青羌
龍牛徼外無傳堦鐵鎖江頭弗置防去國豈愁親故遠還家詎使鬢毛蒼
吾吳儒雅傾當代石田旣沒風流在待詔聲華晚更道枝山放達長無害
歲月悠悠習俗非江鄉禮數歸時態縱有丹青老輩存故家興會知難再
京口干帆估客船金焦依舊青如黛巫峽巫山慘澹風此州迢遞浮雲礙
正使何人送別離登高腸斷烏蠻塞衰白嗟余老秘書先人名德從頭載
廢楮殘縑發浩歌一天詩思江山外

沈文長雨過福源寺

并序

余以己亥春遊石公山宿文長山館丁未復至石公水涸扶奇
呈異遠過舊游將登歷而風雨驟至竟覲面失之殊不及我故
人之高談蕭寺追敘夙昔也

昔年訪沈子石公山沒歸雲址今年遇沈公石公水落盤龍宮沈公家在石公側白頭三見山根出而我分攜將九載相看總老溪山改石公在望風雨作探得靈奇復蕭索沈公蠟屐曉衝泥握手精藍話曩昨石公沈公且別去明日回頭望山樹

秋日錫山謁家伯成明府臨別酬贈

吾家司馬山陰公子弟變化風雲中瑯玕帶礪周京改碣石關河禹穴通
秦伯城頭逢季子登高極日霜楓紫七十煙巒笠澤圖三千歲月勾吳史
遍觀易象與春秋魯頌唐風費攷求綰帶贈來同白璧干將鑄就勝純鈞
此中盡說春申潤草荒幸舍飛鳧雁珠履何人解報恩蒯緱枉自勤垂盼
黃初才子好加餐季重翩翩畫省看早負盛名游鄴下只今詩酒駐江干
江干足比梁園勝追陪衰叟招枚乘八斗君堪跨建安一編我尙慚長慶
剡山東望故人遙玉局金吾未寂寥汗簡舊開都護府蘭臺新插侍中貂
感君意氣從君飲燈火松憲安伏枕數枝寒菊映琴心百斛清泉定茶品
歸家迴首木蘭舟鐘鼓高城暮靄收最是九龍山水伴人離抱向東流

唐閻立本十八學士圖相傳在兵科直房中余官史局慈谿馮
大司馬鄴仙時掌兵都垣嘗同直禁中出而觀之吏啓篋未及
展而馮以上命宣召遽扇編而去遂不果今相去三十年六科
廊燬於兵此圖不可問矣按王氏畫苑立本畫十八學士又畫
凌煙二十四功臣故兩圖並行凌煙圖不著著其所錄失汴梁
劉君伴阮天才超詣書畫尤其所長自鍾王以下八分行草摹
之無不酷似山水雅擅諸家又出新意以繪人物如所作凌煙
功臣圖氣象髣髴衣裝瓌異雖立本復出無以過焉伴阮遊於
方伯三韓佟公之門暫留吾吳恨尙未識面間取是圖以想像
其爲人意必嶷嵒磊落有凌雲御風之氣余因是以窺劉君之
才服方伯之知人而深有感於余之老不足追陪名輩也爲之

歌曰

大梁才子今劉生客遊書畫傾公卿江南花發遇高會油幢置酒羅羣英
開君書堂拂素壁貞觀將相施丹青長孫燕頤肺附戚河間隆準天潢親
鄂公衛公與英國誰其匹者推秦瓊房杜劬勳魏彊諫元僚濟濟高勳名

二十四人半豐沛君王帶礪山河盟千載懸毫寫生面雙眸顧盼關神明
長弓大矢佩刀劍元袞赤烏垂葱珩正視橫看叫奇絕一時車馬喧南城
余衰卧病滄江口忽地流傳入吾手細數從前翰墨家海內知名交八九
慘淡相看識苦心殘縑零落知何有技窮仙佛并侯王四十年來誰不朽
北有崔青蚓南有陳章侯崔也餓死值喪亂維摩一卷兵間留含牙白象
貝多樹圖成還記通都求陳生落魄走酒肆好摹僧父屠沽流笑償王媪
錢十萬稗官戲墨行觥籌劉生三十稱詞伯盛名緩帶通侯席埋沒休嗤
此兩生古今多少窮途客繁臺家在汴流平老我相逢話鋒鏑剩有闕河
出後生枉將兵火催衰白君不見秘書高館羣儒修歐虞褚薛題銀鈎朔
州老軍解兵柄折節愛與諸生游丈夫遭際好文日布衣可以輕典整似
君才藻妙行草況工絹素追營丘宅年供奉北門詔大官賜食千金裘嗚
呼石渠麟閣總天上凌煙圖罷圖滌洲

白燕吟

雲間白燕菴袁海叟丙舍在焉吾友單狷菴隱居其傍鴻飛冥
冥爲弋者所篡故作此吟以贈之余年二十餘遇狷菴於陳徵

君西余山館有歌者在席迴環昔夢因及其事猶菴解組歸田
遭逢多故視海叟之西臺謝病劍騎烏健牛以智僅免者均有
牢落之感俾讀者前後相觀非獨因物比興也

白燕菴頭晚照紅摧頽毛羽訴西風雖經社日重來到終怯雕梁故壘空
當年掠地爭飛俊垂楊拂處簾櫳映微君席上點微波雙棲有箇凝妝靚
趙家姊妹闌輝娟軟語輕身鬢影偏錯信董君宅日寵昭陽舞袖出尊前
長安稜杏翩躚好穿花捎蝶春風巧楚雨孤城傳侶稀歸心一片江南草
稿素還家念主人瓊樓珠箔已成塵雪衣力盡藍田土玉骨神傷漢苑春
銜泥從此依林木窺簷詎肯樊籠辱高舉知無鴟鵂心微生幸少烏薦肉
探卵兒郎物命殘朱絲繫足柘弓彈傷心早已巢君屋猶作徘徊怪鳥看
漫留指爪空迴顧差池下上秦淮路紫領關山夢怎歸烏衣門巷難誰哺
頭白天涯脫網羅向人張口爲愁多啁啾莫向斜陽語爲唱袁生一曲歌

木棉吟 并序

木棉出林邑及高昌哀牢諸國梁武帝時傲外以爲獻見南史
又南州異物志裴氏廣州記皆云南蠻不蠶採木棉作絮染爲

班布漢書所云蒼布白疊其時已流入交廣矣元至正間松江
烏泥涇汙萊不食偶傳此種崖州黃婆教以捍彈紡織之法死
而爲廟祀之按廣州木棉大如樹與今所見不類明初王梧溪
逢以爲交廣木棉一名班枝花吳地所種乃草棉非木棉也陶
南村亦呼爲吉貝與梧溪語合然世俗所傳不可復改余以爲
地氣雖殊物性本一卽謂之木棉可也自上海練川以延及吾
州岡身高仰合於土宜隆萬中閩商大至州賴以饒今累歲弗
登價賤如土不足以供常賦矣余作木棉吟紀之俾盛衰知所
攷焉

木棉花發春申豕東海昔聞無此種南州異物記有之芙蓉花藥梧桐枝
崖州老姥曉移植烏泥涇上黃婆祠種花先傳治花法左足先窺踏車提
稀膏滑軸運雙穿鐵峽粘雲吐重疊椎已絃急雪飄搖白玉裝成絮萬條
兩指按來聲不斷一輪空月影蕭蕭紡就飛花日成疋錯紗不獨誇雲織
軟如鵝毳色如銀非絳非絲亦非帛哀牢白疊貢南朝黃潤筒中價並高
不信此方貪卉服江天吉貝滿平臯四月農占早花好夢地栽來憂莫保

持鋤赤汗敢歸休長怕遊青低沒草東舍西鄰助作勞魚羹菜具歡呼飽
蟹患蟲災絕跡無社鬼驅除釀錢禱西風浙慙幾回吹花臺漸結花鈴老
豆溝零露濕衣裳拈拾提筐逐兄嫂冬日常暄冷信遲今年穩是霜黃少
有叟偃僂負戴行編蒲縛索趁天晴黃綿襖厚裝踰寸白酒帘高買幾升
道畔相逢吏嗔怒賣花何不完租賦老翁仰首前致詞足不能行口披訴
眼見當初萬厯間陳花富戶積如山福州青襪烏言賈腰下千金過百攤
看花人到花滿屋船板平鋪裝載足黃鷄突嘴啄花蟲狼藉當街白如玉
市橋燈火五更風牙僧肩摩大道中二八倡家唱歌宿好花眞屬買花翁
劉河塞後遭多故良田踏作官車路縱加耘耔土膏非雨兩風風把花妬
薄熟今年市價低收時珍重棄如泥天邊買客無人到門裏妻孥相向啼
昔年花早官租緩比來催急花偏晚花還未種勉輸糧輸待將完花信遠
昔年河北載花去今也栽花遍齊豫北花高攜渡江南南人種植知何利
嗚呼一歌夏白紵再歌秋木棉木棉未開婦女績緝麻執梟當姑前徐王
廟南耕游泲賣得官機佐種田田事忙過又夜作十月當窻織梭布盡室
飢寒敢自衣私逋償過官錢誤姚沙渡口片帆微花好風波怎載歸隔岸

人家凝望斷千山
閩客到應稀
詔書昨下開網罟
蘇息烏村并鴉浦
招徠殘戶墾荒蕪
要識從今種花苦
殷勤里正聽此詞
催租須待花熟時
上嘉定太倉境俱三分宜稻七分宜木棉
凡種木棉者俱稱花以別于稻
有花田花租之名
篇中言花者從方言也

梅村家藏藁卷第十終

梅村家藏藁卷第十一

詩後集三

七言古詩二十一首

題蘇門高士圖贈孫徵君鍾元

容城人 孝廉

蘇門山水天下殊，中有一人清且癯。
龐眉扶杖白髭鬚，鶻冠野服談詩書。
定州城北滏水滸，白沙邨畔爲吾廬。
少年蹀躞千金駒，獻策天子來皇都。
腰鑣三矢玉鹿盧，幽州臺上爲歡娛。
日暮酒酣登徐無，顧視同輩誰能如。
十人五人居要樞，拖金橫玉當朝趨。
今我不第胡爲乎，有田一廬書百厨。
雞泉馬水吾歸歟，七徵不起乘柴車。
當時猶是昇平餘，一朝鐵騎城南呼。
長刀砍背將人驅，里中大姓高門閭。
鞭笞不得留須臾，叩頭莫敢爭膏腴。
乞爲佃隸租請輸，牽翁擔子立兩衢。
問言不答但歛歔，先生閉門出無驢。
僵卧一榻絕朝餽，弟子二人舁籃輿。
百門書院今空虛，此中間是孫登居。
太行秀色何盤紆，橙楠榛栗松杉儲。
風從中來十萬株，嘯臺遺址煙霞俱。
流泉百道穿階除，幅巾短髮不用梳。
彈琴橫卷心安舒，微言妙旨如貫珠。
考鐘擊磬吹笙竽，古文屋壁闡禹謨。
異人手授先天圖，談仁講義追堯

夫後來姚許開榛蕪斯文不墜須吾徒誰傳此圖來江湖使我一見心踟
躕卽今絕學誰能扶屈指耆舊堪嗟噓蘇門山下有碩儒中原學者多沾
濡百年文獻其存諸我往從之歌黃虞

贈總憲龔公芝麓

丈夫四十致卿相努力公孤方少壯握手開尊話曠昔故人一見稱無恙
當初海內苦風塵解褐才名便絕倫官守斬春家近楚賊窺江夏路通秦
書生年少非輕敵擐甲開門便迎擊詩成橫槊指黃巾戰定磨崖看赤壁
我同宋玉適來游多士名賢共校讎此地異才爲亂出論文高話鎖廳秋
別後相思隔江水黑山鐵騎如風雨聞道黃州數被兵讀書長嘯重圍裏
荏苒分飛十八年我甘衰白老江邊那知風雪嚴城鼓重謁三公榮戟前
卽君致身已鼎足正色趨朝勤補牘異書捫腹五千卷美酒開顏三百斛
月明歌舞出簾櫳刻燭分題揮灑中談笑阮生青眼客文章王掾黑頭公
卻思少小經離亂銅駝荆棘尋常見側身天地竟何心過眼風光有誰羨
楚水吳山思不禁朝衫欲脫主恩深待看賀監歸來歲勾漏丹砂本易尋

王郎曲

王郎十五吳趨坊覆額青絲白哲長孝穆園亭常置酒風流前輩醉人狂
同伴李生柘枝鼓結束新翻善財舞鎖骨觀音變現身反腰貼地蓮花吐
蓮花婀娜不禁風一斛珠傾宛轉中此際可憐明月夜此時脆管出簾櫳
王郎水調歌緩緩新鶯噤花枝暖慣拋斜袖卸長肩眼看欲化愁應懶
推藏掩抑未分明拍數移來發曼聲最是轉喉偷入破帶人腸斷臉波橫
十年芳草長洲綠主人池館惟喬木王郎三十長安城老大傷心故園曲
誰知顏色更美好瞳神翦水清如玉五陵俠少豪華子甘心欲爲王郎死
甯失尙書期恐見王郎遲甯犯金吾夜難得王郎暇坐中莫禁狂呼客王
郎一聲聲頓息移牀欵坐看王郎都似與郎不相識往昔京師推小宋外
戚田家舊供奉只今重聽王郎歌不須再把昭文痛時世工彈白翎雀婆
羅門舞龜茲樂梨園子弟愛傳頭請事王郎教弦索恥向王門作伎兒博
徒酒伴貪歡謔君不見康崑崙黃幡綽承恩白首華清閣古來絕藝當通
都盛名肯放優閒多王郎王郎可奈何王郎名稼字紫稼於勿齋徐先生
株園中見之髻而暫明慧善歌
今秋遇于京師相去已十六七載風流儂巧猶承平時故習酒酣一出其
伎坐上爲之傾靡余此曲成台肥龔公芝麓口占贈之日蘄苑霜高舞柘
枝當年楊柳尙如絲酒闌卻
唱梅村曲腸斷王郎十五時

臨淮老妓行

臨淮將軍擅開府不鬪身強鬪歌舞白骨何如棄戰場青娥已成灰土
老大猶存一妓師柘枝記得開元譜纔轉輕喉便淚流尊前訴出漂零苦
妾是劉家舊主謳冬兒小字唱梁州翻新水調教桃葉撥定鴟弦授莫愁
武安當日誇聲伎秋娘絕藝傾時世戚里迎歸金犢車後來轉入臨淮第
臨淮游俠起山東帳下銀箏小隊紅巧笑射棚分畫的濃妝毬仗簇花叢
縱爲房老腰肢在若論軍容粉黛工羊侃侍兒能走馬李波小妹解彎弓
錦帶輕衫嬌結束城南挾彈貪馳逐忽聞京闕起黃塵殺氣奔騰滿川陸
探騎誰能到薊門空閒千里追風足消息無憑訪兩宮兒家出入金張屋
請爲將軍走故都一鞭夜渡黃河宿暗穿敵壘過侯家妓堂仍訝調絲竹
祿山裨將帶弓刀醉擁如花念奴曲倉卒逢人問二王武安妻子相持哭
薰天貴勢倚椒房不爲君王收骨肉翻身歸去遇南兵退駐淮陰正拔
營寶劍幾曾求死士明珠還欲致傾城男兒作健酣杯酒女子無愁發曼
聲可憐西風怒吹折山陽樹將軍自撤沿淮戍不惜黃金購海師西施一
舸東南遊鬱洲崩浪大於山張帆振柁無歸處重來海口豎降幡全家北

過長淮去長淮一去幾時還誤作王侯邸第看收者到門停奏伎蕭條西
市歎南冠老婦今年頭總白淒涼閱盡興亡迹已見秋槐隕故宮又看春
草生南陌依然絲管對東風坐中尙識當時客金谷田園化作塵綠珠子
弟更無人楚州月落清江冷長笛聲聲欲斷魂

送沈繹堂太史之官大梁

雲間學士推二沈布衣召見登華省多少金閨榜墨新科名埋沒聲華冷
青史流傳有弟兄衣白山人披賜錦一代才名竝玉珂百年絹素垂金榜
知君門胃本能文易世遭逢更絕倫射策紫裘臚唱出馬蹄不動六街塵
曲江李杜無遺恨留取花枝待後人卽今藝苑多供奉八分草隸清曹重
署額新官十丈懸韋郎體勢看飛動其餘作者何紛紛爭來待詔鴻都門
圍棋賭墅王長史丹青畫馬曹將軍君也讀書致上第傳家翰墨閒遊戲
逆落長空筆陣奇縱橫妙得先人意頓挫沉雄類壯夫雙瞳剪水清癯異
臥疾蕭齋好苦吟平生雅不爲身計惟留詩句滿長安清切長宜禁近官
秋雨直廬分手處忽攜書卷看嵩山嗚呼男兒不入卽當出生世諸爲二
千石黃子初除左馮翊腰間兩綬開顏色君不見沈侍中圖書秘閣存家

風匹夫徒步拜侍從况今淋漓 御墨宮袍紅一麾去聽梁園鐘軒車路
出紫臺東杯酒意氣何雍容簿領豈足羞英雄安能低眉折腰事鉛槧跼
此白首從雕蟲宣廟時雲間有大小沈學士以布衣善書入翰林皆著名
擢授大梁道亦有書名小學士後也

通玄老人龍腹竹歌

通玄老人來何方碧矐頰面拳毛蒼手披地圖向我說指點西極天微茫
視彼萬里若咫尺使我不得悲他鄉京師公卿誰舊識與君異國同周行
九州喪亂朋友盡此道不絕留扶桑牀頭示我龍腹竹夜半風雨疑騰曠
尾燒鱗蛟飛不得蒼皮倔強膺微張此中空洞亦何有得無領下驪珠藏
漢家使者通大夏仍來邛蜀搜篋篋更踰葱嶺訪異種攜歸上苑棲鸞皇
我欲裁之作龍笛水底老蛟吟不得縱使長房投葛陂此龍僵卧難扶策
可是天教產竹郎八荒奇事誰能識一從海上西南來中原篠簜多良材
淇園已竭蒼生痛會稽正採征夫哀天留異質在無用任將拋擲生塵埃
若有人兮在空谷束素娟娟不盈劑盡道腰肢瘦勝肥此君無乃非其族
雪壓霜欺直幹難輪囷偃蹇忘榮辱邛君豈出子魚下高人磊砢遭題目

玉筍新抽漸拂雲，摩挲自倚東墻曲。苦節長同處士飢，寬心好耐湘妃哭。
吁嗟平崑崙，以外流沙西當年。老子驅青犢，手中竹杖插成林。殺青堪寫
遺經讀，君不見猶龍道德五千字。要言無過甯爲腹，何可一日無此竹。

畫中九友歌

華亭尙書天，人流墨花五色風。雲浮至尊含笑黃金投，殘膏剩馥雞林求。
玄宰太常妙蹟兼銀鉤，樂郊擁卷高堂秋。眞宰欲詠窮，雕搜解衣盤礴堪

忘憂

煙客

誰其匹者王廉州，神姿玉樹三山頭。擺落萬象煙霞收，尊彝斑

剝探商周得意，換卻千金裘。

玄照

檀園著述誇前修，丹青餘事追營丘。平

生書畫置兩舟，湖山勝處供淹留。

長蘅

阿龍北固持雙矛，披圖赤壁思曹

劉酒醉灑墨橫江樓，蒜山月落空悠悠。

龍友

姑蘇太守今僧繇，問事不省

張兩眸，振筆忽起風颼颼。連紙十丈神明道。

爾唯

松圓詩老通清語，墨莊

自畫歸田游一犁，黃海鳴春鳩。長笛倒騎烏犍牛。

孟陽

花龜巨幅千峰稠

小景點出林塘幽，晚年筆力凌滄洲。幅巾鶴髮輕王侯。

潤甫

風流已矣吾

瓜疇，一生迂癖爲人尤。僮僕竊罵妻孥愁，瘦如黃鶴閒如鷗。煙驅墨染何

曾休

僧彌

送舊總憲龔公以上林苑監出使廣東

與君對酒庾樓月君逼干戈我離別與君藉地燕山草君作公孤我潦倒
亦知窮老應自疏識君意氣真吾徒門前車馬多豪俊躡衣上坐容衰鬢
我持半勺君一斗我吟一篇君百首每逢高會輒盡歡把我新詩不容口
今日屯鄆再送君地角天涯復何有山川有靈交有命延津會合眞難定
如君共事曹侍郎百僚彈壓風裁正握手論文海內推交游京洛聲華盛
秋風吹起越王臺後先踪跡誰能信不見蘭臺連柏府卻過劍浦來珠郡
相贈雖無陸賈金相看何必周昌印丈夫豁達開心期悠悠世上無人知
三仕三已總莫問一貴一賤將奚爲別君勸君休失意碧水丹山整遊戲
客路扁舟好著書故園九日堪沉醉烏柏霜紅少婦樓桃榔雨黑行人騎
獨有飄零老伏生不堪衰白困將迎祇因舊識當塗少坐使新知我輩輕
花發羅浮夢君處躑躅悲歌不能去

雁門尙書行

并序

雁門尙書行爲大司馬白谷孫公作也公代州人地故雁門郡
長身伉爽才武絕人其用秦兵也將憑巖關爲持久且固將吏

心秦士大夫弗善也累檄趣之戰不得已始出天濤雨糗糧不繼師大潰潼關陷獨身橫刀衝賊陣以沒從騎俱散不能得其屍公之出也自念必死顧語張夫人夫人曰丈夫報國耳無憂我西安破率二女六妾沉于井揮其八歲兒以去兒踰垣避賊墮民舍中有老翁者善衣食之二年公長子世瑞重趺入秦得夫人屍貌如生老翁歸以弟相扶還見者泣下蓋公素有德秦人云余門人馮君訥生公同里人作潼關行紀其事余曾識公於朝因感賦此什公死而天下事以去然其敗由趣戰且大雨糧絕此固天意抑本廟謨未可專以責公也公之參佐惟監軍道喬公以明經奏用能不負公潼關之破同日死名元柱定襄人

雁門尙書受專征登壇顧盼三軍驚身長八尺左右射坐上嚙咤風雲生家居絕塞受死士一日費盡千黃金讀書致身取將相關西鼠子方縱橫長安城頭揮羽扇卧甲韜弓不忘戰持重能收壯士心沉幾好待兒徒變忽傳使者上都來夜半星馳馬流汗覆轍甯堪似往年催軍還用松山箭

尙書得詔初沉吟，
蹶起橫刀忽長歎。
我今不死非英雄，
古來得失誰由算。
椎牛誓衆出潼關，
墟落蕭條餉難。
六月炎蒸驅萬馬，
二嶠風雨斷千山。
雄心慷慨有飛檄，
殺氣憑陵老據鞍。
掃摶謀成頻撫劍，
量沙力盡爲傳餐。
尙書戰敗追兵急，
退守巖關收潰卒。
此地乘高足萬全，
只今天險嗟何及。
蟻聚蜂屯已入城，
持矛瞋目呼狂賊。
戰馬嘶鳴失主歸，
橫尸撐距無能識。
烏鳶啄肉北風寒，
寡鵠孤鸞不忍看。
願逐相公忠義死，
一門恨血土花斑。
故園有子音書絕，
勾注烽煙路百盤。
欲走雲中穿紫塞，
別尋奇道訪長安。
長安到日添悲哽，
蘭足荆榛見督井。
轆轤繩斷野苔生，
幾尺枯泉浸形影。
永夜曾歸風露清，
經秋不化米霜冷。
二女何年駕碧鸞，
七姬無塚埋紅粉。
複壁藏兒定有無，
破巢窮鳥問將雛。
時來作使千兵勢，
運去流離六尺孤。
傍人指點牽衣袂，
相看一慟眞吾弟。
訣絕難爲老母心，
護持始識遺民意。
回首潼關廢壘高，
知公於此葬蓬蒿。
沙沉白骨魂應在，
雨洗金瘡恨未消。
渭水無情自東去，
殘鴉落日藍田樹。
青史誰人哭薜碑，
赤眉銅馬知何處。
嗚呼材官鐵騎看如雲，
不降卽走徒紛紛。
尙書養士三十載，
一時同死何無人。
至今惟說喬叅軍。

雕橋莊歌 并序

高邑趙忠毅公爲雕橋莊記曰吾郡梁太宰有雕橋莊在郡西十五里大茂諸山之東前臨滹沱西韓二水東爲大門表之曰尙書里有樓曰蓮渚仙居有堂曰壽槐槐可四十圍相傳數百年物太宰功成身退徜徉於此者二十年今其孫慎可讀書其中自號爲西韓生云此忠毅家居時所作也公後拜吏部尙書視梁公以同郡爲後繼竟因黨禍戍代州死慎可以孝廉入中翰余始識之知其爲趙公交尋以齟齬去相別十餘年今起官水部家門蟬冕當代莫與比焉余以其名山別墅亂後獨全高門遺老晚節最勝雕橋盛事自太宰以來百餘年於此矣是可歌也爲作雕橋莊歌

帝山古槐千尺起雕橋西畔尙書里偃蓋青披大茂雲扶踈響拂韓河水
水部山莊遶碧渠彈琴長嘯修篁裏今年相見在長安據鞍卻笑吾衰矣
盡道新枝任棟梁不知老幹經風雨自言年少西韓生幽并豪俠皆知名
酒酣箕踞聽鼓瑟射麋擊兔邯鄲城天生奇質難自棄一朝折節傾公卿

當時海內推高邑趙公簡重稱相得才地能交大父行襟期雅負名賢識
公會過我讀書處笑倚南樓指庭樹歸田太宰昔同游廿載林泉共來去
此是君恩優老臣後來吾輩應難遇每思此語輒泣然知已投荒絕塞天
同是冢臣恩數異傷心非復定陵年黃巾從此成貽禍青史誰來問斷
編鈞黨幾家傳舊業干戈何地著平泉我有山莊幸如故老樹吟風自朝
暮磐石甯容蟲蟻穿斧斤不受樵蘇誤鈴索高齋擁賜書名花異果雕欄
護綠萼紅葉水面開門前卽是鳴騶路子弟傳呼千騎歸不教鞍馬驚鷗
鷺年年細柳與新蒲妝點溪山入畫圖四海烽煙喬木在一窗燈火故人
無相逢只有江南客頭白尊前伴老夫

贈馮訥生進士教授雲中

并州馮郎長吳越桐江風雪秦淮月不烹羊酪敵萸羹肯拈蘆管吹桃葉
才同顧陸與溫邢俠少風流擅絕倫名士有誰甘作諾丈夫何必尙專城
乞得一菴還故土欲化邊人作鄒魯余笑謂君且歸去不信廣文今廣武
絳帳懸弓設豹侯講堂割肉摻鼉鼓擊磬新調塞上歌投壺卻奏軍中舞
文籍先生土谷儒游閒公子河東賈亂定初聞闕里鐘時清不用平城弩

雁門太守解將迎馬邑名豪通訓詁烏桓年少拔雕弧射得黃羊供束脯
勇兒作健羞幫屐拂雲堆上吹橫笛低頭博士爲萬卷撫掌封侯空四壁
憶昔扁舟醉石頭別來幾夢南徐客隱囊塵尾燒卻盡長鉞純鈎看自惜
學就吳趨恐未工注成晉問無人識嗚呼五湖煙水憶鱸魚落木天高好
寄書塞雁不歸花又發故人消息待何如

海戶曲

南海子周環一百六十里有海戶十人

大紅門前逢海戶衣食年年守環堵收藁腰鎌拜畜夫築場貰酒從樵父
不知占籍始何年家近龍池海眼穿七十二泉長不竭御溝春暖自涓涓

平疇如掌催東作水田漠漠江南樂鴛鴦鶻鶻滿煙汀不枉人呼飛放泊

南海子有水泉七十後湖相望築三山兩地神州咫尺間
以西苑後湖名

二處元之飛放泊也遂使相如誇陸海肯教王母笑桑田蓬萊樓閣雲霞變
涼鷹臺元之仁虞院也常使大學士傳說新羅玉海青星眸雪爪飛如練

提調之鷹皆用先朝舊鷹改作

玉海青即詐馬筵開桐酒香
馬宴割鮮夜飲仁虞院二百年來話大都

平生有眼何曾見頭白經過是舊朝春深慣鎖黃山苑
叶典守唯聞中使

來樵蘇輒假貧民便芳林別館百花殘廿四園中爛熳看
南海子有二十四園係明時制

記得尙方初薦品東風鈴索護雕闌葡萄滿摘傾筠籠蘋果新嘗捧玉盤
賜出宮中公主謝分遺闕下侍臣餐一朝剪伐生荆杞五柞長楊悵已矣
野火風吹螞蟻墳海子東南有螞蟻墳每枯楊月落蝦蟇水玉泉一名蝦蟇
子盡道千年苑圃非忽驚萬乘車塵起雄圖開國馬蹄勞將相風雲劍架
高帳殿行城三十里旌旗獵獵響鳴鞘朝鮮使者奇毛進白鷹刷羽霜天
勁舊跡凌歊好放鷗荒臺百尺登臨勝俊鶻重經此地飛墨河講武當年
盛弔古難忘百戰心掃空雉兔江山淨新豐野老驚心目縛落編籬守麋
鹿兵火摧殘淚滿衣昇平再覩修茅屋衰草今成御宿園豫游只少千章
木上林丞尉已連催灑掃離宮補花竹人生陵谷不須哀蘆葦陂塘雁影
來君不見鄠杜西風蕭瑟裏丹青早起濯龍臺

退谷歌

贈同年孫公北海

我家乃在莫釐之下具區之東洞庭煙鬢七十二天際杳杳聞霜鐘豈無
巢居子長嘯呼赤松後來高卧不可得無乃此世非洪濛元氣茫茫鬼神
鑿黃虞既沒巢由窮逆旅逢孫登自稱北海翁攜手共上徐無峰仰天四
顧指而笑此下卽是宜春宮若教天子廣苑圃吾地應入甘泉中丈夫

蹤跡貴狡獪何必萬里游崕峒君不見抱石沉焚山死被髮佯狂棄妻子
匡廬峰成都市欲逃名姓竟誰是少微無光客星暗四皓衣冠只如此使
我山不得高水不得深鳥不得飛魚不得沉武陵洞口聞野哭蕭斧斫盡
桃花林仙人得道古來宅劫火到處相追尋不如三輔內此地依青門非
朝非市非沉淪鄠杜豈關蕭相請茂陵不厭相如貧飲君酒就君宿羨君
逍遙之退谷花好須隨禁苑開泉清不讓溫湯浴中使敲門爲放鷹羽林
下馬因尋鹿我生亦胡爲白頭苦碌碌送君還山識君屋庭草彷彿江南
綠客心歷亂登高目噫噓乎歸哉我家乃在莫釐之下具區之東側身長
望將安從

贈文園公

君家丞相人中龍屈伸時會風雲空廬陵忠孝兩賢繼待詔聲名累葉同
致主絲綸三月罷傳家翰墨八分工汝父翩翩相公弟詞場跌宕酣聲伎
才大非關書畫傳門高不屑公卿貴老向長安作布衣主知特達金門戲
先帝齋居好鼓琴相如召入賜黃金大紘張急宮聲亂識是君王宵
肝心爲君旣難臣亦苦龜山東望思宗魯左徒憔悴放江潭忠愛惓惓不

忘楚可惜吾家有逐臣曲終哀怨無人補欲譚治道將琴諫審音先取官
商辨怡神玉几澹無爲雲門樂作南薰殿君臣朋友盡和平四海熙然致
清晏 聖主聞聲念舊臣名家絕藝嗟稱善歸來卧疾五湖雲垂死干戈
夢故君綠綺暗塵書卷在春台原上戴暹墳雍門歌罷平陵曲報韓子弟
幾湛族竺塢祠堂鬼火紅閭門池館蒼鷗宿汝念先人供奉恩抱琴長向
荒江哭滿目雲山入舊圖只今無地安茅屋誰將妙蹟享千金後人餓死
空山麓與君五世通中表相國同朝悲宿草尋山結伴筍與游汝父平生
與我好看君才調擅丹青畫舫相逢話死生君不見信國悲歌青史裏古
來猶子重家聲

銀泉山

銀泉山下行人稀青楓月落魚燈微道旁翁仲忽聞語火入空墳燒寶衣
五陵小兒若狐兔夜穴紅墻縣官捕玉椀珠襦散草間云是 先朝鄭妃
墓覆雨翻雲四十年專房共輦承恩顧禮數錄來母后殊 至尊錯把旁
人怒承直中宮侍宴迴血裏銀環不知數豈有言辭忤大家蛾眉薄命將
身誤宮人斜畔伯勞啼聲聲爲怨驅姬訴盡道昭儀殉夜臺萬歲千秋共

朝暮官車一去不相隨當時枉信南山銅只今雲母似平生皓齒明眸向
誰妬選侍陵園亦已荒移官事蹟更茫茫兩朝臺諫孤忠在一月昭陽舊
恨長總爲是非留信史卻憐恩寵異前王路入尙說東西李一李寢園指
亦在山下
點飛花入壤牆

田家鐵獅歌

田家鐵獅屹相向
胡談蹲夷信殊狀
良工朱火初寫成
四顧咨嗟覺神王
先朝異物徠西極
上林金鎖攀楹出
玉關罷獻獸圖空
刻畫丹青似爭力
武安戚里起高門
欲表君恩示子孫
鑄就銘詞鑄日月
天貽神獸守重
闈第令監奴睛閃爍
老熊當路將人攫
不堪此子更當關
鈎爪張眸吐銀
麟七寶香猊玉辟邪
嬉游牽伴入侯家
圍人新進天閑馬
御賜仍名獅子
花假面羌胡裝
雜伎狡狴突出拳
毛異跳擲聲聲畫
鼓催條支海上何
繇致異材逸獸信
超羣其氣無乃如
將軍將軍豈是批
熊手曠目哮呼天
下聞省中忽唱田
蚡死青犢明年食
龍子蠟蟻血灑上
陽門三十六宮土
花紫此時鐵獅絕
可憐兒童牽挽誰
能前橐駝磨肩牛
礪角霜摧雨蝕枯
藤纏主人已去朱
扉改眼鼻塵沙經
幾載鎖鑰無能護
北門畫圖何處歸
西

海吾聞滄洲鐵獅高數丈千年猛氣難凋喪風雷夜半戲人間柴皇戰伐
英靈壯蘆溝城堞對西山橋上征人竟不還枉刻蹲獅七十二桑乾流水
自潺湲秋風吹盡連雲宅鐵鳳銅烏飛不得卻羨如來有化城香林獅象
空王力扶雀犂牛見太平月支使者貢西京并州精鐵終南冶好鑄江山
莫鑄兵

題崔青蚓洗象圖

嗚呼顧陸不可作世間景物都蕭索雲臺冠劍半無存維摩寺壁全凋落
開元名手空想像昭陵御馬通泉鶴燕山崔生何好奇書畫不肯求人知
仙靈雲氣追恍惚宓妃雜女乘龍螭平生得意圖洗象興來掃筆開屏障
赤鬮如披洱海裝白牙似立含元仗當時 駕幸承天門鸞旗日月陳金
根雞鳴鐘動雙闕下巋然不動如崑崙崔生布衣懷紙筆道衝騶哄金吾
卒仰見天街馴象來歸去沉吟思十日眼前突兀加摩挲非山非屋非陔
陀昔聞阿難騎香象梅檀林內頻經過我之此圖無乃是貝多羅樹金沙
河十丈黃塵向天闕霜天夜踏宮墻月芻豆支來三品料鞭梢趨就千官
謁材大甯堪世人用徒使低頭受羈縲京師風俗看洗象玉河春水涓流

潔赤脚烏蠻縛雙帚六街士女車填咽叩鼻般成北關雷怒蹄捲起西山
雪圖成懸在長安市道旁觀者呼奇絕性癖難供勢要求價高一任名豪
奪十餘年來人事變碧雞金馬爭傳箭越人善象教象兵扶南身毒來酣
戰惜哉崔生不復見畫圖未得開生面若使從軍使趙佗蒼梧城下看如
練更作昆明象戰圖止須一疋鵝溪絹嗟嗟崔生餓死長安陌亂離荒草
埋殘骨一生心力付兵火此卷猶在堪愛惜君不見武宗供奉徐髯仙
豹房夜直從游敗青熊蒼兕鳥奇特至尊催賜黃金錢只今零落同雲
煙古來畫家致身或將相丹青慘澹誰千年

松山哀

拔劍倚柱悲無端爲君慷慨歌松山盧龍蜿蜒東走欲入海屹然指拄當
雄關連城列障去不息茲山突兀煙峰攢中有壘石之軍盤白骨撐距凌
嶺屹十三萬兵同日死渾河流血增奔湍豈無遭際異變化須臾間出身
憂勞致將相征蠻建節重登壇還憶往時舊部曲喟然歎息摧心肝嗚呼
玄菟城頭夜吹角殺氣軍聲振寥廓一旦功成盡入關錦裘跨馬征夫樂
天山回首長蓬蒿煙火蕭條少耕作廢壘斜陽不見人獨留萬鬼填寂寞

若使山川如此閑不知何事爭強弱聞道 朝廷念舊京詔書招募起春
畊兩河少壯丁男盡三輔沈移故土輕牛背農夫分部送雞鳴關吏點行
類早知今日勞生聚可惜中原耕戰人

打水詞

北河風高水生骨玉壘銀橋堆幾尺新戍雲中千騎馬橫津直渡無行迹
下流湍悍川途開吹笳官舫從南來帆檣山齊排浪進牽船百丈聲如雷
雪深沒髀衣露肘背挽頭低風塞口相逢羨殺順流船急問來時河凍否
溜過湖寬放牖平長年穩望一帆輕夜深側聽流漸響瑣碎玲瓏漸結成
篙滑難施櫓枝折舟人霜滿髭鬚白發鼓催船喚打水衝寒十指西風裂
吁嗟河伯何涇涇白楮如雨終無聲魚龍潛逃科斗匿殊耐鞭杖非窮民
官艙裘酒自高卧只話篙師叉手坐早辦人夫候治裝明日推車水上過

再觀打水詞

官催打水不肯行座船既泊商船停商船雖住起潛聽水底有聲枕牙應
桅竿旗動吹南風舟子喜甚呼蒙衝兒童操艇爭跳躍其氣早奪馮夷宮
砉如蒼崖崩巨石訶如戈矛相撞擊滄如雲氣騰虛空颯如雨聲飛浙瀝

河伯娶婦三日眠霜竒方空張輕煙忽聞裂帛素娥笑玉盤銀甕傾流泉
別有鮫鮪還未醒沉魚浮藻何隱隱上冰猶結下水行視水如燈取水影
冰輪既碾相催送三千練甲皆隨從激岸迴湍水負冰白龍十丈鱗鱗動
自古水嬉無此觀披裘起坐捲簾看估客兼程貪夜發卻愁明日西風寒
枕畔輕雷殊下已醉裏扁舟行百里安得并州第四弦彈徹冰天霜月起

雪中遇獵

北風雪花大如掌河橋路斷流漸響愁鴟饑雀語啁啾健鶻奇鷹姿颯爽
將軍射獵城南隅軟裘快馬紅氍毹秋翎垂頭西鼠煖鴉青徑寸裝明珠
金鵝箭裙袍花濕桐酒駝羹馬前立錦靴玉貌撥秦箏瑟瑟鬢多好顏色
少年家住賀蘭山磧裏擒生夜往還鐵嶺草枯燒堠火黑河水滿渡征鞍
十載功成過高柳閑卻平生射雕手湯唱千人勅勒歌只傾萬斛屠蘇酒
今朝彷彿李陵臺將軍喜甚圍場開黃羊突過笑追射鼻端出火聲如雷
回去朱旗滿城闕不信溝中凍死骨猶有長征遠戍人哀哀萬里交河卒
笑我書生在褐溫蹇驢箬笠過前村卽今莫用梁園賦扶杖歸來自閉門

梅村家藏藁卷第十一

Faint vertical text columns, likely bleed-through from the reverse side of the page.

梅村家藏藁卷弟十二

詩後集四

五言律詩八十九首

高郵道中四首

野宿菰蒲晚荒陂積雨痕湖長城入岸塔動樹浮村漁出沙成路僧歸月
在門牽船上瓜埭吹火映籬根

其二

十里藕塘西浮圖插碧虛霜清見江楚山斷入淮徐水驛難逢樹溪橋易
換魚客程愁幾日已覺久無書

其三

曾設經年成殘民早不堪柳營當午道水柵算丁男雪滿防旗暗風傳戰
鼓酣淮張空幕府樓艦隔江南

其四

雙社重來到人家出遠林種荷泥補屋放鴨柳成陰蝦菜春江酒煙簞暮
雨砧曹生留畫水三十六陂深高郵有曹生畫水陸米元章極稱之其地有三十六陂

清江聞

岸東穿流怒帆遲幾日程石高三板浸鼓急萬夫爭善事監河更愁逢橫

海兵時有事兩粵兵過海上我非名利客歲晚肅宵征

過姜給事如農

侍從知名早蕭條淮海東思親當道梗如農迎母會膠萊有兵亂哭弟在途窮如須避地沒於

下骨肉悲歌裏君臣信史中翩翩同梅客相對作衰翁

遠路

遠路猶兵後寒程况病餘裝綿妻子線致藥友人書晚渡河津馬晨水驛

舍車蕭條故園樹多負向山廬

過東平故壘

重鎮銅龍第雄邊珠虎牌柳穿曉騎箭花落美人釵有客謀亡海無書勸

正淮將軍留戰骨狼藉雒陽街

旅泊書懷

已遇江南雪須防濟北水扁舟寒對酒獨客夜挑燈流落書千卷清羸米

半升徵車何用急慚媿是無能

黃河

金龍口決河從北入海清江宿遷水勢稍緩皆起新沙

白浪日崔嵬魚龍亦壯哉河聲天上改地脉水中來
潮落神鴉廟沙平戲馬臺滄桑今古事戰鼓不須哀

桃源縣

在黃河南去淮陽八十里

豈有秦人住何來浪得名山中難避地河上得孤城
桃柳誰曾植桑麻近可耕君看問津處烽火只縱橫

膠州

時有兵變

將已三年億兵須六郡豪一時緣調遣平昔濫旌旄
後顧憂輜重前軍敢遁逃只今宜早擊都護莫辭勞

白洋河

在淮安西北膠州叛兵從此過河時已收縛

膠海愁難定孫恩戰艦多卻聞挑白馬此處渡黃河
一戰收豺虎千軍唱橐駝淮西兒女笑溟渤亦安波

過古城

謁三義廟去桃源八十里為石崇鎮下邳所築非三國時古城也土人以傳說立廟傳奇有桃源結義耳

食附會幾以爲真矣

廟貌高原古村平薦白蘋河山雖兩地兄弟只三人
舊俗傳香火殘碑誤

鬼神普天皆漢土何必史書真

項王廟

在宿遷項王下
相人卽其地也

救趙非無算坑秦亦有名情深存魯沛氣盛失韓彭垓下騅難逝江東劍不成淒涼思畫錦遺恨在彭城

南旺謁分水龍王廟

鱗甲往來中靈奇奪禹功平分泰山雨兩使濟河風岸似黃牛斷流疑白馬通始知青海上不必盡朝東

送天台何石湖之官臨晉兼簡蒲州道嚴方公

山色界諸盤河流天際看孤城當古渡絕岸入王官社鼓堯祠近鄉書禹穴難若逢嚴夫子爲報故人安

送紀伯紫往太原四首

不識盧從事能添幕府雄河穿高闕塞山壓晉陽宮霜磧三關樹秋原萬馬風相依劉越石清嘯戍樓中

其二

羨殺狂書記翩翩負令名軍知長揖貴客傲傲裘輕酒肆傳呼醉毬場劍

雁迎須看雁門守不及洛陽生

其三

客舍同三子春風去住愁那知爲此別五月又并州榆莢催征騎榴花落
御溝知君分手意端不爲封侯

三子韓聖秋胡彥遠及伯紫也時彥遠已先行

其四

佐府偏多暇從容岸幘時詩成千騎待檄就百城知從獵貪呼妓行邊快
賭棊歸將出塞曲唱與五陵兒

送友人往眞定

五月常山去滹沱雨過清賣漿無舊隱挾瑟有新聲曳履叢臺客投戈熊
耳兵如逢趙公子須重魯連生

送純祐兄浙中藩幕四首

散吏仍爲客輕帆好過家但逢新種柳莫話久看花黃閣交須舊青山道
未賒獨嗟兄弟遠辛苦滯京華

其二

一第添憔悴似君遭遇稀杜門先業廢乞祿壯心違歌管移山棹湖光上

客衣浪遊裝苟足叩我故園扉

其二

亦有湖山興棲遲減宦情官非遷吏做客豈故侯輕粉壁僧寮畫煙堤妓舫聲從容趨府罷斗酒聽流鶯

其四

忽忽思陳事全家客剡中江山連暮雨身世隔殘虹高館燃官燭清猿叫曉風一竿秋色裏踪跡媿漁翁

曹秋岳龔芝麓分韻三首贈趙友沂得江州書三字

策馬高原去煙鴻仰視雙疏鐘穿落木殘日動寒江浪跡愁偏劇孤懷俠未降舊交相見罷沽酒話南窗

其二

誰識三公子蕭條下澤車門高輕仕宦才大狎樵漁黃葉窮幽興青山出異書不須身貴早千騎上頭居

其三

已歸仍是客不遇卻難留更作異鄉別倍添游子愁風霜遠北土兵甲阻

西州一雁低飛急關河萬里秋

病中別孚令弟十首

昨歲衝寒別蕭條北固樓關山重落木風雪又歸舟地僻城鴉亂天長塞雁愁客程良不易何日到揚州

其二

秋盡霜鐘急歸帆畏改風家貧殘雪裏門閉亂山中客睡愁難熟鄉書喜漸通長年沽市酒宿火夜推篷

其三

十日長安住何曾把酒尊病憐兄彊飯窮代女營婚別我還歸去憐渠始出門往來幾半載辛苦不須論

其四

消息憑誰寄羈愁祇自哀逾時游子信到日老人開久病吾猶在長途汝卻回白頭驚起問新喜出京來

其五

早達成何濟適時信眇歡客游三月病世路一生難憂患中年集形容老

輩看相逢俱壯盛五十未爲官

其六

此意無人識惟應父子知老猶經世亂健反覺兒衰萬事愁何益浮名悔
已遲北來三十口盡室更依誰

其七

似我真成誤歸從汝仲兄教兒勤識字事母學躬耕州郡羞干請門庭簡
送迎古人親在日絕意在虛名

其八

老母營齋誦家貧只此心飯僧餘白髮裝佛少黃金骨肉情難盡關山思
不禁楞嚴經讀罷無語淚痕深

其九

寡妹無家苦拋離又一年老親頻念此別語倍潸然性弱孤難立門衰產
易捐獨留兄弟在中外幾人憐

其十

樺子稱奇俊迎門笑語忙挽鬚憐尙幼摩頂喜堪狂小輩推能慧新年料

已長吾家三萬卷付託在兒郎

再寄三弟二首

拙宦真無計歸謀數口資海田人戰後山稻雨來時官稅催應早鄉租送
易遲荷鋤西舍叟憐我問歸期

其二

五畝山園勝春來客喚茶籬荒謀補竹溪冷課栽花石迸牆根動松欹屋
脚斜東莊租苟足修葺好歸家

送王元照

行止頻難定裝輕忽戒途望人離樹立征棹入雲呼野色平沙雁朝光斷
岸蘆此中蕭瑟意非爾不能圖

送孫台修游真定

窮達非吾事霜林萬象凋北風吹大道別酒置河橋急雪迫征雁低雲壓
怒雕曾爲燕趙客寥落在今朝

送周子叔張青瑀往河南學使者幕六首

不第仍難去棲遲幕府游幾人推記室自古在中州置酒龍門夜論文虎

觀秋得依張壯武揮塵盡風流

其二

少室多奇士君尋到幾峰山深惟杖策巽盡卻聞鐘文字真詮近鬚眉道氣濃相貽書一卷歸教葛陂龍

子傲好道

其三

二陸來江左三張入雒中賦誇梁苑雪歌起鄴臺風僧父休輕笑吳儂雅自雄短衣頻貰酒射獵過城東

其四

誰失中原計經過廢壘高秋風向廣武夜雨宿成臯此地關河險曾傳將士勞當時軍祭酒何不用吾曹

其五

極目銅駝陌宮牆噪晚鴉北邙空有骨南渡更無家青史憐如意蒼生遇永嘉傷心諱往事愁見雜陽花

其六

河流天地盡白日待銷沉不謂斯文喪終存萬古心典墳留太學鐘鼓起

華林清雒安瀾後遺編定可尋

送湘陰沈旭輪謫判深州四首

謫宦經年待蹉跎忝此州猶然領從事未得比諸侯
旅食沾微祿官途託浪游卻嫌持手板廳壁姓名留

其二

月出瀟湘水思家正渺然不知西去信可上北來船
故舊憐除目妻孥笑俸錢免教烽火隔飄泊楚江邊

其三

此亦堪爲政無因笑傲輕爾能高治行世止薄科名
煙井流移復春苗斤鹵耕古來稱一尉何必向專城

其四

豈不貪高臥其如世路非故園先業在多難幾時歸
遇事愁官長逢人羨布衣君看洞庭雁日夜向南飛

送王子彥南歸四首

得失歸時輩如君總不然共知三徑志早定十年前
身業先疇廢家風素

德傳蕭條書一卷重上故鄉船

其一

一第雖無意名場技有餘解頤匡鼎說運腕率更書材已遭時棄官猶辱
詔除白頭纒一命需次復何如子彥已謁選得官需次未授

其二

錯受塵途誤栖栖早半生中年存舊業雅志畢躬耕憂患妨高卧衰遲累
遠行與君嗟失路不獨爲無成

其四

客裏逢中表登臨酒一杯好將身計拙留使後人材燈火鄉園近風塵笑
語開相攜孫入抱解喚阿翁來子彥近得孫余之外孫也

代州

萬里無征戍三關卻晏然河來非漢境雪積自堯年將老空屯卧僧高絕
漠還中原偏戰鬪此地不爲邊

送穆苑先南還四首

遍欲商身計相逢話始真幸留殘歲伴忍作獨歸人年逼愁中老家安夢

裏貧與君謀共隱爲報故園春

其二

驟見疑還喜堪當我半歸路從今日近信果向來稀同事交方散殘編道已非老親看慰甚坐久更沾衣

其三

舍弟今年別臨分恰杪秋苦將前日淚重向故人流海國愁安枕鄉田喜薄收相期裁數紙春雨便歸舟

其四

庭樹書來長空墜落葉黃酒乘今夜月夢遶一林霜客過探松塢童饑偃石牀因君謝猿鶴開我北山堂

送何蓉菴出守贛州四首

想見征途便還家正早秋江聲連賜第帆影上浮丘兒女貪成長親朋感去留無將故鄉夢不及石城頭

其二

郡閣登臨迥江湖已解兵百灘爭二水一嶺背孤城石落蛟還鬪天清雁

自橫新來賢太守官柳戰場生

其三

三載爲郎久棲遲共一貧師恩衰境負友道客途眞世德推醇謹鄉心入
隱淪蕭條何水部未肯受風塵

其四

弱息憐還幼扶持有大家高門雖宦迹遠嫁况天涯小字裁魚素長亭饗
鹿車白頭雙淚在相送日將斜

猿

得食驚心裏逢人屢顧中側身探老樹長臂引秋風傲弄忘形便羈縻抵
掌工忽如思父子同叫故山空

橐駝

獨任三軍苦安西萬里行鑄銅疑鶴頸和角廢驢鳴山負祁連重泉知鄴
善清可憐終後載汗血擅功名

象

神象何年至傳聞自戰場齒能齊玉德性不受金創白足踟跼坐黃門拜

舞行越人歸駕馭未許鼻亭狂

牛

瑩角偏韓快奔蹄伏輓窮賣刀耕隴上執鞞犒軍中
游刃庖丁技扶犁田父功
君王思繭栗座右置幽風

時瓊戒殺牛文

蒲萄

百斛明珠富清陰翠幕張曉懸愁欲墜露摘愛先嘗色映金盤果香流玉
椀漿不勞蔥嶺使常得進君王

石榴

五月華林真榴花入眼來百株當戶牖萬火照樓臺絳帳垂羅袖紅房出
粉腮江南逢巧笑齟齬向人開

江南石榴多裂江北獨否

蘋婆

漢苑收名果如君滿玉盤幾年沙海使移入上林看對酒花仍豔經霜實
未殘茂陵消渴甚飽食勝加餐

文官果

近世誰來尙何因擅此名小心水骨細虛體綠袍輕味以經嘗淡香從入

手清時珍誇衆口，穀核太縱橫。

水

清濁看都淨，長安喚買冰。見來消易待，欲問價偏增。潔自盤中顯，涼因酒後勝。若求調燮理，坐上去青蠅。

南苑春蒐應制

詔閱期門旅，鏡歌起上林。風雲開步伍，草木壯登臨。天子三驅禮，將軍百戰心。割鮮親讌罷，告語主恩深。

送田髯淵孝廉南還四首

客路論投分，三年便已深。每尋蕭寺約，共話故園心。遠水明浮棹，疏村響急砧。灞亭橋畔柳，恰爲兩人陰。

其二

窮老無相識，如君得數過。祇貪懷抱盡，其奈別離多。晝靜堪攤卷，江寬足放歌。勝游佳絕處，回首隔關河。

其三

拂袖非長策，蹉跎爲老親。還家仍作客，不仕卻依人。勝識耐知己，奇懷蒼

鬼神鏡湖千丈月莫染維陽塵

其四

浪迹存吾道風流獨有君羣公雖走幣狂客自掄文樽酒堪呼月雙峰看出雲可憐滄海上宋玉正參軍

偶見

挾彈打文鷺翻身馬注坡輕鞭過易水大雪滿滹沱錦帽垂青鼠銀鬃出紫駝少時從出塞十五便橫戈

送詹司理之官濟南

詹楚人余所得士

匹馬指管邱風清肅爽鳩齊言盈萬戶楚客長諸侯梅發江關信松高日觀秋故人慚鮑叔相送話東游

幼女

抱去纔周晬應難記別時信來偏早慧似解識京師書到遲回問人前含吐詞可憐汝母病臨絕話相思

送程太史翼蒼謫姑蘇學博

道重何妨謫官輕卻便歸程門晴雪迥吳市暮山微舊俗弦歌在前賢文

字非卽今崇政殿寥落侍臣衣

送郭宮贊次庵謫宦山西

薄宦知何恨秋風刷羽毛因沾太行雪憶賜未央袍問俗壺關老籌邊馬
邑豪爭傳郭有道名姓壓詞曹

送純祐兄之官確山四首

五十猶卑宦栖栖在此行官從鷲炙貴客向馬蹄輕風俗高持論山川喜
罷兵清時人物重縣小足知名

其二

絕有明湖勝青山屬蔡州曾爲釣臺客今作朗陵侯定訪袁安卧須從叔
度游政閒人吏散廳壁掃丹丘

其三

懸瓠城西路關山雪夜刀至今勞戰伐何日剪蓬蒿地瘠軍租少官輕客
將豪相逢蔡父老閒說漢功曹

其四

落日龍陂望西風動黍禾歸人淮右近名士汝南多河上孤城迥天中萬

馬過一官凋瘵後兄弟意如何

梅村家藏藁卷第十二終